

928
ハ
8

梅
村
家
藏
藁

八





補遺目錄

詩

縹緲峰

題王端士北歸草

秣陵口號

同孫浣心郁靜巖家純祐過福城觀華嚴會

下相懷古

無為州雙烈詩

為李灌谿侍御題高澹游畫

題釣隱圖

文

宋玉叔詩文集序

田髡淵詩序

魏貞庵兼濟堂文集序

鴻雪園詩集序

崇川邑侯王孝伯壽序

孫母郭孺人壽序

勅贈大中大夫盧公神道碑銘

姚膺華墓誌銘

梅村詩補遺

五言古詩

嫫毘峰

茲峰非云高與衆山別其下多嵌空天風吹不折插根虛無際縹緲爲

險絕細徑緣山腰人聲來木末管輿難徒步佳處取屢歇躡嶺路倍難往

住攜垂葛灑氣接汶沓一身若水雪輕心出天地羽翮生髻髻杖底撥殘

雲了了見吳越暉壺燭滄浪泥濘金光發陰霞俄已變慘澹玄雲結歸筇

破曉鶻半嶺值虹蜺始知情境有跡共人鳥城丹砂定可求苦爲妻子奪

看君衣上雲飛過松間月

七言律詩

題王瑞士北巒草

讀罷新詩萬感興夜深挑盡草堂燈玉河鳴咽聞嘶馬金殿凄涼見披鷹

南內舊人逢庾信北朝文士識崔嵬賽驢風雪蘆溝道一慟昭陵恨未能

株陵口號

車馬垂楊十字街河橋燈火舊秦淮放衙非復通侯第中山驛宅廢圖誰

知博士齋易餅市傍王殿瓦換魚江上孝陵柴無端射取原頭鹿收得長
生苑內牌

同孫浣心郁靜巖家純祐過福城觀華嚴會

不求身世不求年二六時中小有天今日雲門纔喫棒多生山谷少安禪
茶鑪藥臼隨時供蒲笠蕉團到處眠撒手懸崖無一事經聲燈火覺王前
七言絕句

下相懷古

戲馬臺前拜魯公興王何必定關中故人子弟多豪傑弗及封侯呂馬童

無爲州雙烈詩爲嘉定學博沈陶軒賦

濡須城下起干戈二女芳魂葬汨羅安得米顛書大字井邊刻石比曹娥
爲李灌谿侍御題高澹游畫

煙雨扁舟放五湖自甘生計老菰蒲誰將白馬西臺客寫作青牛道士圖

題釣隱圖贈陳鴻文

綠波春水釣魚槎縮項雙鰻付酒家忘却承明會待詔武陵溪上醉桃花

詩餘

望江南

江南好五色錦鱗肥反舌巧偷紅嘴慧畫眉羞傍白頭樓翡翠逐金衣

梅村文補遺

序

宋玉叔詩文集序

余嘗觀古今文人才士之興而知天之生材甚艱其成就之尤不易也夫世習榛蕪絕學隕墜卽有雋異非常之資猶難卓然自拔天於其先必生數人焉爲之導運宣鬱光啟前徽然後俊哲挺生從漸漬濡染之內蒼萃融液獨自名家而此一人者或生於高門世胄地望通顯性靈恐伏而未發天於是又使之中歷艱虞游更埳壑以激爲要眇之音乃始解駁其沉滯而致之亨途益昌厥辭軌邁作者世徒服其材之度越而不知天之篤若人以底於成良不偶然矣若萊陽宋子玉叔殆其人也當萬厯之中葉海內文氣衰茶古道寢頓士爭緝拾靈語繆詡逢年之技而萊陽宋氏獨以學古攻文辭鳴鴻生峻儒後先輩望翕然金春而玉應也三齊科第大都一姓爲多因而陟巍資躋貴仕者珪重組襲何其盛哉而吾友故司空九青在其間尤稱絕出詩文踔厲廉悍雄視漢唐以來諸家遭時兵火篇章蕩爲煙塹弗果信今而傳後後九青而起者又得吾友玉叔玉叔天才

備上接聞父兄典訓胚胎前光甘嗜文學自九青之存駸駸乎欲連鏞而
競爽弱冠南踰大江薄遊吳會日尋英儒酌酒倡和長歌短賦春容寂寥
他文皆靡蔚炳朗濯濯其英嗒嗒其光盛年值際興運縮綬登朝羽儀京
國不可謂不遭時也而仍見竟路用誣浮繫於理凡浹月而獲備被還官
郎署踐駭計銓僅循年出調外省遠跡窮邊絕徼人咸謂非所宜而王叔
不然當夫履幽憂乘享障羈纒憔悴浮沉遷次之感一假詩文以發之其
才情雋麗格合聲諧明豔如華溫潤如璧而撫時觸事類多淒清激宕之
調又如秋隼盤空嶺猿啼夜境事既極亦復不盤於和平庶幾乎備文質
而兼雅怨者今被簡命來長臬於浙浙爲東南都會湖山秀美由來風
月之奧區而廉憲古觀察也官以采風爲職驂駟所過剡耶溪之水淪鑑
湖之叢採天姥石梁之嵌巖崩劣其足資吟哦紀述者又可勝道耶然則
天之善成玉叔與玉叔之所自得爲何如哉玉叔旣之官郵示其所刻前
後集俾余序之余幼執經張西銘先生門卽知萊陽之文與東吳豫章埒
篋應和泊通籍入都交玉叔尊人吏部公於邸舍守官京師從九青遊奉
使同視楚閩登黃鶴樓俛眺荆江鄂渚間拊楹慷慨九青題詠甚夥余愧

未能成章亦勉廣以紀名勝九青不鄙而進余謂可深造於斯事嘗示余
掖中數詩能諳誦其佳句每念時移勳謝先友云徂并其遺文銷蝕糞土
悲未嘗去於心也乃今得扣玉叔之岌表而卒業焉竊幸典刑之未淪希
大雅之復作其不在斯人歟其不在斯文歟何能無一言以弁諸簡首因
爲推本其所自來有得於天之成就者如此欲使世之習讀者知統繫在
斯相與珍重而虔奉之也是爲序

田髯淵詩序

余初識孝廉田子髯淵於京師時南士之從計者甚衆田子才辨器識有
以絕出於流輩讀書穿穴經傳落筆爲詩歌古文袞袞不能自休與人交
好傾身爲之盡窮達盛衰誓不得而移也試南宮旣不第有勸之歸者田
子曰居鄉里抑鬱無所得姑留邸中一交天下長者於是宛平王公柏鄉
魏公合肥襄公眞定梁公以大臣折節好士名天下田子與之游用詩文
學藝相切劘一時三四公之門無出田子右者天子拔才俊結筆札於
中書由布衣諸生爲超授人皆曰田子宜在選中禮部依故典策名者再
用詔書舉行者一主者思收知名士以重格今從闈牘揣摩捫索以庶幾

得田子爲喜不能識田子爲愧然自余歸里十年屈指耳目所見其才與地出田子下遠甚又無此三四公者爲之知乃先後躡清塗擧上第者隨相接田子獨寥落不得一官此孰爲之而孰止之耶家在湖東扁舟觸風濤而過我中夜置酒高談無幾微不穢之色發其囊出詩文數百篇才氣盈涌詞色敷腴若蒸雲霞而覆金石余因以知田子於世故物變皆以磨鍊其所長而識詣益至雖淹蹇不合而疏通豁達之氣未嘗少挫一以發之於文章自如也嗟乎交道之難久矣當余初識田子固已在賓客旣衰之後比歸卧海濱雖親知故舊棄我如遺跡而田子獨有過於曩時余不知何以得之於田子然觀其雅志期待不肯自同疇人所以取重於三四大君子者端在於此余欲概以望之悠悠之徒不亦過乎田子之別也謀僦屋就余尋朝夕過從之樂追溯平生所與游者魏公躋政地握化權王公以公孤居府父子顯重龔公梁公名位在股肱心膂之間天下士經其題拂者望塵弗及天或者留田子而使之窮以慰余於荒江寂寞之畔未可知也然余觀田子之才之識非久屈抑者則余又安得而與之居歟聊記其語言往還足徵知交之厚而已田子名茂遇髯淵其字松江之華亭

人

魏貞庵兼濟堂文集序

自古一代之興必有名世鉅人出而弘濟蒼生潤色鴻業然而長於政事者未必工於文章工於文章者未必優於理學求其兼備無遺者不數見也當西漢之隆蕭曹丙魏號爲賢相然所長者止於政事無論理學卽文章且無聞焉而司馬遷相如枚臯揚雄之流又徒以文章著稱而不及施於政事其於理學則亦未能窺其萬一也所謂兼備無遺者求之古而不得今乃得之於柏鄉魏公公稟鴻駿魁杰之才遭逢 聖朝迥翔禁近值世祖章皇帝興治右文招延俊乂數舉 經筵命儒臣講論大義或時巡游南苑應制賦詩一時文學侍從之臣無不揆藻摘華對揚 休命而公竇巋然爲冠首其後歷諫垣躋柏府密勿論思綱紀庶政封章數十上如請開日講頒孝經錄遺忠闕異端諸疏皆關天下國家大計蓋非 當寧知公之深不能盡用公之言以興致太平而非公之才與公之學亦不能輔導以成至治 聖主良臣相得益彰於以調元贊化經國庇民千載一時也 今上御極公以銓衡重望入居政府於時重熙累洽海內晏安

從容於黃扉綸閣之間得以留心述作博游才藝而公又遂於闕閭濂徼之旨其學以性善爲本以致知爲要所輯聖學知統錄及大全纂要學規彙編諸書皆足以闡釋微言紹明聖緒而以其餘間作爲詩歌則又能籠挫萬物匠心獨妙至於悲鼎湖之莫逮痛子期之云亡其忠孝氣節於君父友朋之間尤惓惓乎三致意焉所謂理學文章政事公殆兼而有之蓋公之才與學其積之也有本而出之也不窮今夫江河之水灑漾潢漾雖疏而爲川注而爲瀆而其源則一也公之蓄於中者停泓演迤雖試之於政見之於文而其本則一也公之弘致遠識固非若漢之輔相醴謹樸遯者可擬而亦豈僅如賦上林誇長楊者以翰墨爲勳績詞賦爲君子而已哉公爲高邑趙忠毅公之甥忠毅與公同主銓政世傳爲美談然忠毅值黨議紛呶群言譎詠之日枋用未久而公之功名在日月之旁筦樞軸之任以視忠毅其所遇之幸不幸何如也公所著詩文甚多中州彭子士報謀之吳君冉渠楊君仲延撮其尤要者錄板以行蓋公之學與公之才其所以開物成務者雖不盡於此而於此亦足以見其大者焉故不揣而爲之序

鴻雪園詩集序

堯文將往廬陵出一編示余則其在樟亭由拳流連登眺之作而湖淮入都懷人贈答居其半焉堯文之才開敏樂易於讀書能采掇其菁華而出之以好軸故其詩貫串三唐妍秀典麗聲律穩貼雖專門名家莫或過之余與堯文少同里長同學老而權圍連牆比屋槐柳之陰相映草堂燈火相望於池塘林木之間余樵蘇不給而堯文時出斗酒吟詩篤歌呼相應利今將舍我而遠去余撫是編而沉吟若有不釋然者夫廬陵天下之名郡也昔者有先正文章節義著在累朝之冊今干戈久息賢人君子接踵而起者流風餘習居然可見堯文過匡山涉馬當以達乎此也江山登臨賓客交游之盛收攬以滋詩笈者且盈網溢縹膾炙天下此豈吾窮谷之叟抱甕作息帶索而行吟者能窺測其涯涘乎抑吾聞之舊國舊都望之暢然當堯文在樟亭由拳相去不過數舍今江天寥廓之外其於故園竹梧杉檜滋生而拱把芙蓉芍藥芳郁而紛披未嘗不如杜氏之四松陶家之五柳彷徨而想像也閩井日已荒親朋日已耗雖衰遲如余者間與江右士大夫追舊游而話宿好未嘗不如漢濱之老人滄浪之漁父寤寐而

興懷也然則其見之於詩者又烏得而已耶他日政成垂組揭節以還鄉里余且盡出其田夫野老之作以是正於堯文得毋從而嗤之曰固哉是夫之爲詩也身窮才退足不出里巷何足與於此乎亦相與爲一笑而已於其行也遂書之以贈

崇川邑侯王孝伯壽序

河汾王公以解元登進士擢知吾吳之崇川崇壯縣也東連閩粵南達江淮鎮兵萬騎星羅棋布儼然有塞上之風邑長於斯者欲使兵民兩安文武輯睦實難其人吾王公父母是邦百姓之顛危悉起什伍之風鶴無驚治行遂爲江左冠督撫臺省交列薦剡輒署上考 朝廷嘉其廉善例得誥封褒贈將出殊典猗歟休哉可謂榮矣嘗觀漢之寵循吏者多以堅書獎勸增秩賜金而使之久其任今法亦猶行古之道也公門下士有郁子青南名棠以學行受知雅爲武城所禮重於是邑之薦紳先生及諸父老諗之於郁子曰甘棠之蔭於今三年考功如是其已最也 恩綸如是其將渥也今九日令辰龍山高會值岳降之期朋酒之享實在於茲其能忘兕觥之獻盍乞言於大君子以侑一觴乎郁子頷之以爲非偉業言不

足當吉甫之誦清風天保之歌南山也介邦人之書造門伏謁余亟應之曰某之食德鄰封舊矣居恒熟其治譜章章在人耳目蓋可得而言焉東沙瀉鹵以漲海爲城郭養兵秣馬取足賦稅稍不如期則庚癸輒聞不可以常法治者公爲之垂簾勸課以深仁厚澤相固結士民服其教化孝弟力田無復向時出沒波濤之習牛車襁負不煩桁楊之議其後而至誠所感鯉鯨遠徙昔之地接蓬萊與海市蜃樓相隱見者今則廬落如林煙火相望此漢唐循良之書所未有也公性狷潔澹泊明志鳴琴退食酌水自甘澹衣濯冠行止率如寒士其耿介大節超出倫等春秋循行郊野輒引老農問其佳麥良菑察民疾苦而補助之簿書期會之暇數接賢士大夫談經講藝上下古今而扶風掾史京兆功曹則屏息重足不敢少望顏色其輿會所寄獨嗜圖籍當河陽花煖青箱萬卷如置身石渠天祿中而北苑南宮之筆右軍太傅之書靡不割清俸以佐琴鶴紛紛俗好都不入其胸次墨莊之外蕭然無辨其赤文綠字卽公之鬱林片石也雖昌黎之在潮東坡之在杭流風遺韻如同一轍蓋公之廉能得諸天授而家學實有淵源自文中子紹法孔孟代出眞儒公之府君諱萬基由明經司訓西河

虞奉太上一編甲申間避難石州城將陷府君夢白衣人自稱太上垂救甚力卒免於難爲善之報此其一驗積厚流光篤生吾公掇巍科作廉吏而文中之績學府君之砥行亦藉以弘閱閱而祚民社則公之由司牧而登卿貳由強壯而躋期頤也宜哉行見玉堂紫誥金馬朱輪纍纍若若將與彭咸甲子並進無疆也已某之祝公異日者甯有涯量哉海濱僻壤薦更湯火自公來蒞茲土工虞禮樂漸以修明夫里征徭漸以休息既富方穀物無天札絳縣有復陶之老人康衢多鼓腹之野叟琴堂大年有不與百姓共之者乎請爲之歌幽風曰九月肅霜十月滌場稱彼兕觥萬壽無疆公可以進一觴矣謹拜手而爲之序

孫母郭孺人壽序

余嘗觀世家巨姓其爵位之蟬聯閭閻之光寵旣以誇耀於遐邇矣而家庭燕喜猶勤勤於知己之一言誠欲宣昭令德而淑問施於無窮也雖然非其鄉有魁壘耆宿之大儒則不足知其門以外俾鍾郝禮法告之閭史非其家有孝友懇誠之君子則不足知其門以內俾鍾郝禮法告之國人斯二者未易一二遇也吾友孫孝若以進士假歸省母而郭孺人屆期五

十伯爵之詞鄉先達則請諸宗伯錢牧齋先生諸父則請諸光甫光甫余同年進士舊泉州守也而又以其言屬余夫牧齋以文章重海內而光甫孝謹聞於郡國孝若之壽其母也於二者已兼之矣牧齋之言曰孫氏自世節先生父子以詩文節俠起家齊之雄長詞壇二子競爽恭甫兄弟名行烜赫此余所謂門以外之事唯宗伯足以知之者也光甫之言曰孺人方雅名家閨門之內不妄言笑伯氏卽世修內政禦外侮保持門戶以有今日者駑維孺人是賴此余所謂門以內之事微光甫何以知之余齒德不如牧齋懿親不如光甫其何以壽孺人無已就余之得於孝若者以壽孺人可乎孝若姿神吐納警速風流好屬文工詞翰交天下賢豪長者以名節氣誼相砥礪吾以知孺人之賢而能教也吾谷有喬木千章楓林楮葉賓客之來遊者樽俎雜陳絲肉競作饅餽拒妝臙炙糯醪左顧而歛應手立辨吾以知孺人之勤而有禮也家有鬻尊子金刻鏤龍文丁公癸父摩挲欸識而唐人所圖應眞十有六像絹素筆墨皆絕代珍翫孝若博物君子雅擅收藏而於先世所遺尤能護持手澤吾以知孺人之敬而能守也體自華宗長於富厚一門中從不下數百其成進士也無彊植兼并之

風無名豪武斷之習無蒼頭綠鞵衣絲履縞之出入無後房祓服鈿車寶馬之行游吾以知孺人之義而有制也余門人孝維爲孝若之異母弟在孺而孤迄乎成立友于篤至扶掖恩勤廬舍田園推肥取瘠諸妹裝送皆一情不異中外親黨殆無間然吾以知孺人之仁而有恩也爲孝廉十年中遭世變郡縣虎冠之吏肉視大家其桀黠監奴酒食通關因緣乾沒交結魁宿以爲俠里中主人持之以體臨之以威偪伏而彈壓之卒莫敢動吾以知孺人之嚴而有法也凡此六者微孝若不足以揚孺人之德微孺人不足以成孝若之名傳曰非此母不生此子其是之謂歟余猶記通籍之歲以年家子弟拜謁恭甫之尊人子喬先生當是時孝若未就外傳而孝維始生先生喜恭甫以得孫而憂光甫之無子也今兩家子弟蘭芽玉茁而孝若擢上第就顯官過家休沐拜母上鴈鄉里聚觀以爲盛事蓋孫氏之福澤如日升川至正未有艾而邇其再世發祥實啟自孺人孺人其可以輒然而舉此觴矣余所以隨牧齋光甫兩公之後敢具不腆之詞進者實以交於孝若者深知於孺人者悉故不憚醜縷以致其頌且禱也是爲壽

補道碑銘

勅贈大中大夫盧公神道碑銘

丙子歲偉業被命借給諫萊陽宋公九青典校湖廣鄉試時中原已憂寇盛彌漫豫楚之交流氛四出羽檄交道謬以一介虔奉簡書揚旂馳驟巖疆轉徙金革幸得畢使以鉛黃甲乙多士鎖院三試所弋獲皆爲俊民而蘄州盧大夫綏在選徹棘捧雉來謁躬翺然君子人也旣而詢知其家世以儒業發聞尊人呂侯公經行瑩瑩爲儒林長德余嘉其學有淵源稱嘆者久之迄今兩閱星終而大夫來爲余藩董儲峙於茲士一再過存具呂侯公素履及奉諱始末以視泣而請曰先子生平好古篤行阨於時數潛德弗耀重以冠禍滔天毒流方嶽闔門抗節竟殞非命孤每念此日夜悼心今幸蒙恩 聖朝榮施泉壤告第納書秩登三品於令得樹碣隧道以紀休昭烈而徵辭摩勒向埃載筆惟夫子辱知最深又前職記注若不鄙而賜之光闡孤實假寵以報所天微直成我而已敢固以請余衰舊不任脂澤之言何足爲公增重願念公績學純行法宜備書其死事一節尤奇且處大夫父子間契分特厚采錄懿徵傳信悼史固其所也容敢以不文

辭謹擬大夫自狀與虞山錢先生所爲傳而繫之左方公姓盧氏諱如鼎
呂侯其字其先吳人遷楚之梅川勝國永樂間始占籍于蕪四世而爲南
槐公諱楷卽公之考也用孫貴贈大中大夫妣宋氏繼李氏皆贈淑人公
生而奇穎承傳家學卅歲屬文有聲南槐公義方甚嚴營丙舍於濠上引
泉植竹疏窗閒觀以爲公肄業之所延里中少俊讀書談藝其中公挾冊
唵諷鞠嘯究明不問家人生產淵涵淳渟濡爲文辭弱冠游博士宮頰受
知督學使者試輒雄其僖伍數踏省門不售中間危得之而更抑置人皆
爲搯擊公一意修學著書以造進後昆爲已任執顏家塾說經鏗鏗疑
釋難教施如雨至者虛往實歸充然意得去由是負笈雲集江黃間推爲
大師當手箋尙書四子書科別同異丹粉狼藉成就子若從子多列鴻生
峻儒比大夫以丙子名薦書英譽鵲起公遂撞弦息機不復事榮進爲人
厚重質直不苟嘗笑服勤孝弟內行修勅南槐公治家嚴公應唯伺顏色
惟謹少有不懌或形譙讓彌益踧踖起敬執內外喪毀瘠踰禮分財產能
適長兄田廬取袂萊者僮奴取贏拙者撫兒子如己子同仁均愛有鳴鳩
之心辛巳凶札橫道多壅公倒困賑瞻視致醫藥宗黨卒倚以全閭閻有

爭相率就公平決片言折衷愧屈過於要質其爲時所信嚮如此異時
里子弟不悅學公用形家言請於當事增壘江中石礮閣祠梓潼神其上
裨助文風自此僥兩關者蟬聯不絕勸人士至今頌德焉公之卒也劇寇
自廣濟乘夜襲斬公被執賊中有識者曰彼善士縱諸寇退舍公勒習里
中人分布關隘爲死守計自守南城寇盡銳來攻公督勵守陣殊死鬪賊
垂卻而他樓堞隳從公後肉薄而入及及於背公拒不及遂遇害時癸未
春也子姪從孫及諸婦楊氏袁氏同時死者八九人嗟乎自盜起中原生
靈塗地大城名藩相繼陷沒其間義夫淑媛就燬塵而不稱者何限而堂
堂身都將相擁強兵牧伯正長覆師失守委而去之色甚安者多矣公進
趨退怯眇然儒者又老困咕嚙未登仕版無預封略人民之任而能臨難
賈勇授兵登陣力屈則鉞交胸腹橫屍原野而不惜可不謂議取舍烈士
夫乎况於雞斯弱質聲不出捆赴蹈如歸者成羣乎公生萬曆戊寅四月
下距癸未壽六十有六娶淑人羅氏生男子二長卽大夫絃次絃公卒後
三日羅淑人屍於江浒焚而殮之五閱月大夫歸自公車以殉節狀鳴於
所司將拜章請旌未及上會改物而止丙戌冬大夫卜新阡葬公土門珠

辭謹擬大夫自狀與虞山錢先生所爲傳而繫之左方公姓盧氏諱如鼎
呂侯其字其先吳人遷楚之梅川勝國永樂間始占籍于蕪四世而爲南
槐公諱楷卽公之考也用孫貴贈大中大夫妣宋氏繼李氏皆贈淑人公
生而奇穎承傳家學卅歲屬文有聲南槐公義方甚嚴營內舍於濠上引
宋植竹疏窗閒觀以爲公肄業之所延里中少俊讀書談藝其中公挾冊
誦諷鞠矚究明不問家人生產淵涵淳渟濡爲文辭弱冠游博士宮頻受
知督學使者試輒雄其倍伍數踏省門不售中間危得之而更抑置人皆
爲掄擊公一意修學著書以造進後昆爲已任抗顏家塾說經鏗鏗疑
梓難教施如雨至者虛往實歸充然意得去由是負笈雲集江黃間推爲
人師嘗手箋尙書四子書科別同異丹粉狼藉成就子若從子多列鴻生
峻儒比大夫以丙子名薦書英譽鵠起公遂撞弦息機不復事榮進爲人
厚重質直不苟嘗笑服勤孝弟內行修勅南槐公治家嚴公應唯伺顏色
惟謹少有不懌或形譏讓彌益蹴踖起敬執內外喪毀瘠踰禮分財產能
過長兄田廬取秋萊者僮奴取贏拙者撫兄子如己子同仁均愛有鳴鳩
之心辛巳凶札橫道多殪公倒困賑瞻視致醫藥宗黨卒倚以全閭閻有

爭相率就公平決片言折衷愧屈過於要質其爲時所信嚮如此異時鄉
里子弟不悅學公用形家言請於當事增壘江中石磯閣祠梓潼神其上
埤助文風自此恃兩關者蟬聯不絕勦人士至今頌德焉公之卒也劇寇
自廣濟乘夜襲斬公被執賊中有識者曰彼善士縱諸寇退舍公勒習里
中人分布關隘爲死守計自守南城寇盡銳來攻公督勵守陣殊死鬪賊
垂卻而他樓堞隳從公後肉薄而入及於背公拒不及遂遇害時癸未
春也子姪從孫及諸婦楊氏袁氏同時死者八九人嗟乎自盜起中原生
靈塗地大城名藩相繼陷沒其間義夫淑媛就煨塵而不稱者何限而堂
堂身都將相擁強兵牧伯正長覆師失守委而去之色甚安者多矣公進
趨退怯眇然儒者又老困咕嚙未登仕版無預封略人民之任而能臨難
買勇授兵登陣力屈則鉞交胸腹橫屍原野而不惜可不謂義取舍烈士
夫乎况於雞斯弱質聲不出捆赴蹈如歸者成羣乎公生萬曆戊寅四月
二日羅淑人屍於江浒焚而殮之五閱月大夫歸自公車以殉節狀鳴於

所同將拜章請旌未及上會致物而止丙戌冬大夫卜新阡葬公土門珠

樹林已丑第進士由邑令累官藩臬廉辨肅給善政流聞凡三報最推恩
得贈公自文林郎三命至大中大夫壬寅歲 今上紀元之載奉 命督
糧蘇松而俾余書其隧道之石公可謂有子矣雖不獲光顯其身而洵受
哀榮於後天之報忠義不爲無意也在禮死寇之士旌之曰兵戰於郎重
汪騎死魯人欲勿殤子曰能執干戈以衛社稷雖欲勿殤也不亦可乎如
公精忠大節有光冊書無疑也昔魯共姬待火而殞者春秋賢之書曰宋
災伯姬卒盧氏貞姬競烈玉碎不污會何愧焉余不揣固陋採摭遺芳率
聯書之比於春秋禮傳之義以詔來者狀又稱公邑子暴卒攝至冥途真
王命屬盧某保任而後釋歸正直之人鬼神所是哉事涉恍惚故從附見
然世所喜傳者在此則亦莫得而略也銘曰

卓哉盧公儒宗文師幼閑庭訓悅禮悼詩法律繩己名教夙資嘯嘯道真
克昌厥詞進思經世有物隘之退淑諸徒南面臯比敷陳聖謨牛毛繭絲
疏理滯礙如結得騰蹻蹻學陶鑄靡遺方領矩步好仁樂施閭里質成
彥方愧知運鍾百六天狼失維巨寇狂劔帕首朱眉羣飛海水潰隄莫措
若火燎原撲滅詎期祝融郊甸魚爛則悲我公孱者武奮熊羆部勒壯士

率用始鈺丁甯振鐸擐甲登陣戈衝賊唯日舍欲移瓊城百礮三板突隳
戰鼓不揚渠門火旗身膏草野剝腹折頤志均馬革義遂死綬婉婉彼姝
頽爾自持清泉虐焰視甘如飴號無茅經哀動出諸一門忠烈前行後隨
似川叩浦啓佑本支巍科洵陟熙朝羽儀位崇嶽牧絳節金龜禮備哀榮
鸞書紫綬旌幢榮戟邦委來口停驂訪舊南史是咨徵文篆刻徽懿昭垂
佳城鬱葱最顯豐碑松楸馬鬣傳信在斯於千萬世式瞻慕思

墓誌銘

姚盾華墓誌銘

憶乙巳歲余所親王子惟夏語余云有新安姚君盾華者僑寓吾婁爲某
比鄰能傾財以舒人之急昏夜叩亦輒應其它仁心質行足以善善扶誼
雖駟魯士君子有弗逮非更僕不能盡也余聞其言而疑之以爲王子所
與違還其亦博矣內而宗黨姻連外而當世豪傑賢公卿大夫見其窮阨
折挫號鳴大叱夫豈無助而張之者耶而爲余稱說不離口乃僞姚君一
人以余所觀今世之擁厚貴塔封君者大約善積居之術精舉廢之方其
於利也日營而足赴仰取而俯拾每視貴業益殖則益絨滕而固守之設

有毛髮緩急坐視不一援手者比比然耳而姚君所爲乃若是是烏足信哉已而念王子名知人能自植立恥隨俗浮湛其言又似可信蓋余之意中久矣有一姚君矣今年秋姚君沒已五載君之仲子震介王子來謁余接之容蹙而辭哀詢其所欲言則已歷繫君生平善行再拜而請曰先子之蚤廢舉子業不獲沾一命思用詩書充厥宗也唯寐始忘之而震兄弟不敏尙未克以儒成名今先子體魄將入土儻微惠於大人君子實異矜之錫以片言鑿諸窆石則先子猶不歿也余感其意之甚誠而言之有禮因慙然深有動於中焉古云爲善者譬若藝禾能令嘉種世世不絕其姚君之謂乎以君子躬備純德謂宜優游自適享有五福迺身既隱約於布衣而復奮其年傳志業弗得盡展是豈天意果難臆測哉夫亦篤於姚氏欲其必久積而後大發俾嘉種之堅好類粟迄再世而是任是負也余蓋卽震之據行焯能急於不泯其親益知爲善者自必有後方以俛識其子先失其父爲憾而又何能以不文牢讓也耶按狀君諱葉盾華其字系出饒州至明膺宣公始遷蓀溪又傳十一世爲文學蓀谷公君卽蓀谷公第五子幼警敏不肯躡庸人後蓀谷公器之命庀闔宗事事胥就理其治生

不牟纖細而先業日充拓值鼎革劇盜相挺而起君身率羣從子姪保聚捍衛鈴柝之聲徹晝夜罔息寇烽不敢近蓀谷公捐舍館躡幾不欲生有兄遭非意災多耗費君慨然共任之曰兄若弟同氣也何較爲里閭間或以曲直來質鬪爭斷然君出片言輒中肯綮與人交有本末其遺疾將殆婚友爭醮錢爲禱神歿之日無費賤少長莫不悼惜或潛然出涕嗚呼觀君之所得於人如是則君之立心制行可知已君少而好學長彌篤嗜能通經史大義時談論古今人物治道政術語纏纏如貫珠嘗謂諸子曰讀書以明聖賢理道爲先徒呻吟佔畢汨沒章句間非所貴也尤喜蓄古書購求不下數千卷擬構一樓貯藏之而未果今仲子震偕其兄升收摺益富方將成其先志而惜乎君已不得見矣吾友金陵九煙黃公官戶部遭世變後隱於講授震兄弟特延諸家塾同敬事之相與發篋中書取所疑而質問焉凡狀中所述暨余所聞於王子者亦徵諸黃公之言而益信嗟夫宿儒遺老其見重於當代也罕矣而二子獨爲之不少阻謂非得於家庭淑艾者深而能遽然耶夫亦愈可以知君已君生於明天啓甲子九月二十三日卒於康熙丁未二月二十一日享年四十有四元配孫孺

人繼配吳孺人丈夫子三長升太學生娶汪氏孫孺人出次卽震太學生
初娶戴氏繼娶吳氏又次霽幼業儒未聘俱吳孺人出女一適邑庠生戴
僑孫孺人出孫女一幼未字震出君葬地在蓀溪之某待卜吉某年某月
歸窆今以某年月日權攢於首山之陽而余爲之銘銘曰

重華苗裔宗姓爲姚支派蠅媽鍾祥於饒教諭諸孫宋室參政源鴻流長
門閥滋盛疇以貴羸懋遷化居擇人任時深藏若虛曰惟府君最賢且智
不競錐刀而競仁義雖齋爾年實崇爾基乃經乃史爲裘爲箕爰啟象賢
以膺福祚曷監蜚英天衢高步嗣後億禩善宏慶綿追邇自始首山新阡
有崔者岡勒斯貞石過者式焉君子之澤

梅村集補遺終

昔人謂少陵之詩詩史也讀其詩而天寶以後興亡治亂之蹟具在其爲
史之所同者可以相證明焉其爲史之所遺者可以相參考焉詩之所以
實有爲而作也雖然少陵之集編體不編年讀其詩而不得其旨更求其
年譜讀之而其詩之與新舊兩書相出入者乃條分件繫粲然而無所疑
甚矣年譜之有功於詩也吾鄉梅村先生之詩亦世之所謂詩史也先生
負曠世之才爲風雅總持其所交游多魁奇俊偉之士而又當明季百六
之運故其集中之作類皆感慨時事悲調掩抑銅駝石馬故宮禾黍之痛
往往而在惟其詩編體而不編年當時有爲之作讀者或恨其不能盡詳
孟子曰誦其詩讀其書不知其人可乎是以論其世也然則非年譜不足
以知先生之詩之世非論先生之詩之世不足以知先生之詩之果爲詩
史也先生之集有集覽有箋註而年譜闕如同里顧雪堂茂才幼學好古
篤嗜先生之詩暇日求里中前輩程述亭先生所箋編年之本爲年譜一
書而又徧考其家牒雜識以附益之積數年之力成書如千卷雪堂以同
里後進爲先生編年之譜其蒐采尙易爲力故其書之賅洽視前人之編
杜詩者有加焉蓋其體之詳畧各有所由來而要其用心之勤爲功於前

人之詩以新致其知人論世之意未嘗不一致也書既成深佩雪堂之篤雅好事能補前人之所未逮遂不辭而爲之序
道光二十四年歲次甲辰同里徐元潤書

詩有年譜由來尙矣昔賢謂少陵詩爲詩史朱魯嘗撰註冠以年譜今注佚而譜存紹興中趙子櫟亦著杜詩年譜一卷不逮魯譜之密蘇長公集多諷切時事亦詩史也施元之蘇詩註家綿津中丞棗校復訂正王宗稷東坡年譜列於前使人開卷瞭然則年譜與詩非相爲表裏歟東吳梅村祭酒詩風骨道上感均頑豔黎城靳氏集覽最爲詳洽吾鄉吳枚菴叟增刪之爲箋註嚴少峯太守梓而行之亦以未見年譜爲憾祗錄陳顧兩公撰墓誌行狀謂畧見一斑僕屢欲搜輯成編而未之逮比來司鐸太倉顧君雪堂示所著先生年譜四卷出入靳吳兩註兼摭迂亭程君編年未刊本次第纂攷並詳紀世系具見苦心喜其篤雅好古能蒐采鄉先生之往蹟雖爲功較易而用心較勤其分卷亦較倍益以見祭酒之爲詩史直可追杜蘇而後先頡頏焉適嚴迪甫觀察遠宦隴西將郵致其譜附吳君箋註本爲合璧余旣樂雪堂乃祭酒之功臣尤望迪甫爲前人克紹箕裘也書此以報雪堂并奇觀察以代簡

道光乙巳夏日元和宋清壽芥楮識

梅村先生世系

里人顧師軾景和氏纂
里人顧思義仁仲氏訂

先生姓吳氏諱偉業字駿公晚號梅村江南太倉州人

七世祖子才名無考河南人元末避兵始遷蘇州崑山之積善鄉配費氏

六世祖埕字公式以字行明正統元年贈承德郎行在刑部雲南司主事配陳氏封太安人及又字式周

五世祖凱字相虞號冰蘗卒祀鄉賢祠配沈氏繼沈氏再繼陳氏

蘇州府志吳凱字相虞父公式早亡遺腹生凱能力學養母里胥

嘗召之役詣縣自陳有母不能遠離竊有志於學縣令芮翀異其

言立遣就學後充貢京師中順天鄉試宣德中授刑部主事改行

在雲南司再改禮部主客司以母老乞歸遂不復仕凱精敏有治

劇才平生以禮自律言行不苟風儀嚴峻人望而畏之家居四十

年非公事不至公府葉盛尤重之嘗曰鄉里作官前輩當法吳丈後輩當法孫蘊章及卒鄉人私謚貞孝先生蘊章名瓊

葉文莊公盛相虞公墓誌銘祖才父式周母陳氏公在姪而父亡既生公家復被菑母年尚少甘貧守約育而教之公晚得子而連得三子卒成化七年七月十四日壽八十有五配沈氏先卒子三人長恩翰粟於官授承事郎次惠次愈女二人婿顧恂龔綬銘曰孰完五福惟善日不足孰永終譽名不必公與卿吁嗟乎公後有考於茲銘柯先文康公鼎臣父

高祖愈字惟謙號遜菴配夏氏

蘇州府志吳愈字惟謙凱子成化乙未進士授南京刑部主事歷員外郎中初凱起家刑曹每爲愈言折獄之道愈在部緝閱舊牘遂精法律一時奏讞咸倚以決出知敘州府慶符盜劫縣治令捕得二十七人已誣服愈疑之乃詣縣辨審釋二十五人未幾果獲眞盜土官安鰲以馬湖叛衆議用兵愈策曰鰲無遠謀然其甲兵精利未易敵也彼中無水當重圍以困之議未決而鰲忽棄城走

衆慮其糾諸夷爲亂愈曰彼以郡守將兵接戰勝負未可知旣離巢穴一窮寇耳諸夷皆其仇又何能爲因遣人襲之不血刃而獲自是馬湖改置流官後其黨復劫府印爲亂愈親抵其巢諭之遂獻印解散在敘九年遷河南參政致仕歸卒年八十四

王弇州世貞

吳遜菴贊在郡九年課農桑興學校戶口滋殖風俗

醇美爲諸郡最而業已倦游矣里居優游自奉養喜賓客和謹得後進心有女二人歸陸伸文徵明皆名士而歸王氏者有子同祖以才入中秘皆侍公周旋以是寬樂於其身贊曰仕不九卿曰上大夫壽不九秩曰八十餘宅相所貽蘭蕤玉枝父子耆詰爲鄉閭師

先文康公鼎臣

吳公惟謙墓表卒於嘉靖丙戌五月十九日年八

十四子男四長東浦江縣縣丞次南國子生公仲弟惠無嗣推以爲後次西次守中國子生孫男詩訪許誌

嗣高祖應字維明號靜菴配陳氏無子以愈次子南爲嗣

會祖南字明方號方塘賜內閣中書後官鴻臚寺序班以使事過家

爲御史所論謫江西建昌府幕官配鄭氏繼袁氏

先生先伯祖玉田公墓表余家世鹿城人自禮部公以下大參鴻臚三世皆葬於鹿城公爲鴻臚長子次卽贈嘉議大夫少詹事諱議余祖也又次則諱誥偉業四五歲會見及之老且貧衣食於卜肆余祖嘗抱偉業於膝顧叔祖而歎曰爾知我宗之所以衰乎三世仕宦廉吏之橐固足以傳子孫爾伯祖實主其幣用之爲飲食裘馬費產遂中落余與爾叔祖庶出也少孤故皆貧余祖亡後祖母湯孺人每談及鴻臚公時事輒言嘉隆中鹿城倭難伯祖自以私財募兵十餘人轉戰湖柳間兵敗左右皆沒得一健卒負之免家遂以破

祖諱字子禮號竹臺以先生貴贈嘉議大夫詹事府少詹事幼贅於瑯琊王氏遂居太倉副室湯氏封太叔人

先生秦母于太夫人七十壽序袁門貧約吾母操作勤苦以營舅姑滌滲之養湯淑人憐其多子代爲鞠育余自少多病由衣服飲食保抱提攜惟祖母之力是賴情自早歲通籍祖母年七十有三

及以南都恩賜封三世湯淑人期屆九秩并瑯白首視聽不衰里人至今以爲太息

父理字禹玉又字慈玉號約齋又號約叟諸生以經行稱鄉里先生貴封嘉議大夫詹事府少詹事 國朝舉鄉飲大賓卒祀鄉賢祠配

陸氏繼朱氏封淑人

鈕 旂 舩 贖 江 右 李 太 虛 爲 諸 生 時 嗜 酒 落 拓 而 家 甚 貧 太 倉 王 帖 雲 司 馬 備 兵 九 江 校 士 列 郡 拔 太 虛 第 一 引 見 之 謂 曰 吾 固 多 子 擇 師 無 若 子 者 願 遠 在 婁 東 子 能 一 往 乎 李 許 諾 次 日 卽 遣 使 送 至 其 家 時 王 氏 二 長 子 已 受 業 同 里 吳 蘊 玉 先 生 蘊 玉 者 梅 村 先生 父 也 而 太 虛 教 其 第 四 五 諸 郎 兩 人 共 晨 夕 甚 歡 梅 村 甫 齠 齡 亦 隨 課 王 氏 塾 中 李 奇 其 文 卜 爲 異 日 偉 器 歲 將 闌 主 家 設 具 譙 兩 師 出 所 藏 玉 卮 侑 酒 李 醉 揮 而 碎 之 王 氏 子 面 加 譙 讓 李 亦 盛 氣 不 相 下 席 罷 後 謂 吳 曰 我 安 可 復 留 此 遂 拂 衣 去 吳 知 其 不 能 行 也 翼 日 早 起 追 於 城 闔 出 館 俸 十 金 爲 贈 乃 附 賈 舶 歸 然 所 贈 費 大 半 耗 於 酒 及 抵 家 垂 簾 蕭 然 亟 呼 婦 治 具 婦 曰 吾 絕 糧 已 久

安所得粟憶君去後猶存故人酒一罌請佐君軟飽可乎婦往鄰家覓薪李即發罌罌內產一芝如盤紫光煜煜喜且愕曰此瑞徵也願酒敗不可飲奈何挹之則清冽異常乃浮白獨斟婦負薪歸則罌已罄矣是秋登鄉薦明年成進士入詞館數載後以典試復命過吳門王氏子謁於舟次李急詢吳先生近狀是時梅村亦登賢書因購吳行卷攜以北上為延譽京師辛未梅村遂為太虛所薦登南宮第一及第二人年僅弱冠蘊玉先生享榮養者三十年可為疏財敦友之報而岫雲諸子自司馬沒後家漸替矣先生于太夫人壽序吾母朱淑人精心事佛嘗于鄧尉山中創構傑閣虔奉一大藏教

嗣祖諫字子猷號玉田官福安縣縣丞葬梅灣配某氏繼查氏再繼

陸氏子一查氏出天

本宛平王敬哉崇簡青箱堂集吳母張太孺人墓誌銘詳後順治丙申年

先生玉田公墓表於吳門遇三山鄭君曰余姻也詢之則三山之兄曰某者為伯祖婚余姑尚在也偉業乃具禮幣拜見則年已七十三泣然泣曰猶憶會鴻臚公葬時會到鹿城見二叔今已六十

年不通家問二叔謂吾祖也歸而告我祖母湯孺人孺人泣吾世父與吾父知之亦泣泣年六十始知有伯姊也相率至梅灣墓下再拜哭且加封樹焉吾姑後三年以卒有二子以其一從吳姓主梅灣之祭

嗣父瑗字文玉號蘊菴禮部冠帶儒士配王氏繼張氏
本青箱堂集詳後順治丙申年

梅村先生世系終

梅村先生年譜卷一

故明萬曆三十七年己酉五月二十日先生生

母朱太淑人媿先生時夢朱衣人送鄧以謙會元坊至遂生先生

三十八年庚戌二歲

三十九年辛亥三歲

四十年壬子四歲

熊學院科試先生尊人約齋公補博士弟子員

四十一年癸丑五歲

仲弟偉節生

四十二年甲寅六歲

四十三年乙卯七歲

讀書江公用世家塾 先生按察司使江公墓誌銘始余年七歲讀

書公家塾識公公即是年領鄉薦後二十年家居公折輩行與余

及魯岡游

八月祖竹臺公卒

四十四年丙辰八歲

四十五年丁巳九歲

四十六年戊午十歲

四十七年己未十一歲

就穆苑先雲桂家中讀書 先生穆苑先墓誌銘自余生十一始識

君居同巷學同師出必借宴必共如是者五十年君為先大夫執

經弟子余兄弟三人君所以為之者無有不盡余雖交滿天下其

相知莫如君余之初就君齋讀書也有同時游處者四人志行純

肅為兄弟魯岡與之共事其輩行差少皆吳氏余宗也鄰舍生孫

合修亦與焉

季弟偉光生

四十八年庚申是年八月後十二歲

天啟元年辛酉十三歲

二年壬戌十四歲

隨父約齋公讀書志行繼善家之五桂樓 先生志行傳余年十四

識志行長於余三歲兩人深相得哭志行詩余始年十四與君蚤

同學蚤起詩惜爽憇南樓送志行八蜀詩我昔讀書君南樓程穆

衡箋先生幼隨父約齋公讀書志行家之五桂樓詩中所咏南樓

是也

能屬文西銘張公薄見而嘆曰文章正印在此子矣因留受業於門

相率為通今博古之學 程穆衡婁東耆舊傳江右李太虛明廢落

魄客授州王大司馬所與公父善見公於髫髻奇之一日飲於王

氏太虛被酒碎其玉卮主有詬言憤怒去約叟追而慰之太虛曰

君子奇才也天如將以古學與東南盍合從游乎約叟如其言

三年癸亥十五歲

四年甲子十六歲

西銘肇舉復社先生為入室弟子 楊舞復社事實文社始於天啟

甲子合吳郡金沙橋李僅十有一人張溥天如張采來章楊廷樞

維斗楊彝子常顧夢麟麟士朱隗雲子王啟榮惠常周銓簡臣周

鍾介生吳昌時來之錢旃彥林分主五經文字之選而效奔走以襄厥事者嘉興府學生孫淳孟樸也是曰應社當其始取友尚隘來之彥林謀推大之訖於四海於是有廣應社貴池劉城伯宗吳應箕次尾涇縣萬應隆道吉蕪湖沈士柱崑銅宣城沈壽民眉生咸來會聲氣之孚先自應社始也

五年乙丑十七歲

六年丙寅十八歲

七年丁卯十九歲

崇禎元年戊辰二十歲

陳學院歲試入州庠

二年己巳二十一歲

西銘與同里張南郭采舉復社成先生名重復社復社事實崇禎之初嘉魚熊開元宰吳江進諸生而講藝於時孫淳孟樸結吳詡扶九吳允夏去盈沈應瑞聖符等肇舉復社於時雲間有幾社浙西有聞社江北有南社江西有則社又有懸亭席社崑山雲簪社

而吳門別有羽朋社匡社武陵有讀書社山左有大社僉會於吳統合於復社復社始於戊辰成於己巳其盟書曰學不殖將落毋蹈匪彝毋讀匪聖書毋違老成人毋矜己長毋形彼短毋以辨言亂政毋干進喪乃身嗣今以往犯者小用諫大者擯僉曰諾是役也孟樸渡淮泗歷齊魯以達於京師賢士大夫必審擇而定矜契然後進之於社故天如之言曰忘其身惟取友是急義不辭難而千里必應三年之間若無孟樸則其道幾廢蓋先後大會者三復社之名動朝野孟樸勞居多然而歛怨深矣諸子書致乎社諸子

書

西銘為尹山大會 陸世儀 復社紀畧吳江合楚人熊魚山以文章

經術為治慕天如名迎致邑館於是為尹山大會若書之間名彥畢集遠自楚之蕪黃豫之梁宋上江之宣城甯國浙東之山陰四明翰蹄日至比年而後秦晉閩廣多有以文郵置者

三年庚午二十一歲

李學院科試一等三名補廩膳生員

延儒因以會元卷進呈御覽莊烈帝批其卷曰正大博雅足式疏
得冠名士烏程之驚薛國博其專於朝御史袁將具疏參論
偉業也延儒喜其為馬王之子明封姚麟相魏何明屠頭卷即
宿密鳴諸分房於呈卷林院編修 復社紀習是科延儒欲羅名
舉試一甲按林院編修 復社紀習是科延儒欲羅名

舉試一甲按林院編修 復社紀習是科延儒欲羅名

者之必自餘慶與門下自然而已此豈非造物之奇而合則大
飛冲天又不似鄂薄苟乃不佞三入闈得賤桃李之盛而後亦為
夫筆硯一生不得細校乃不佞三入闈得賤桃李之盛而後亦為

詢家世來歷一置冠多士益喜躍不自禁兩相國知不佞同里即
見墳榜得令取首冠多士益喜躍不自禁兩相國知不佞同里即

與門人吳馬王書亦添花著錦余豈會天功以為已私耶
之語雖捧上燈山要亦添花著錦余豈會天功以為已私耶

王受業於余余子又受業於馬王蓋二世通家矣今日闈中推
筆記云憶吳之祖竹臺公與先君子為事理交白首相歡其父周

大警備語同考更首肯文肅公一語於是遂定吳卷為第一余因
及年親文望余一吳思為大會人係余回里因招余首問家世以

接周諱延儒備思吳偉業世通家也填榜止錄第一第一尚有一
是年榜元為吳偉業世通家也填榜止錄第一第一尚有一

致思入題首諸錄 李少可馬 繼貞

舉會試第一內閣周延儒 宜興人內閣何如龍 桐城人房師

李 明 自江西南人天啟壬戌進士 師從生按士 師從生按士

舉會試第一內閣周延儒 宜興人內閣何如龍 桐城人房師

金陵大會是科主裁為江西美居之曰廣榜發解元楊廷樞而張

西路為金陵大會 復社紀習是科主裁為江西美居之曰廣榜發

福慶晉江人天啟乙丑進士 周按生有秋房師鎮江府推官周延

陳 廣 四 川 井 研 人 天 啟 壬 戌 進 士 周 按 生 有 秋 房 師 鎮 江 府 推 官 周 延

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

舉會試十一名座主庶子美 日 廣 江 西 新 建 人 萬 歷 已 未 進 士 鍾 修

靡而後人言始息

先生入翰林制詞曰陸機詞賦早年獨冠江東蘇軾文章一日喧傳都下當時以為無愧

疏劾蔡奕琛

復社紀畧溥緝烏程通內結黨援引同鄉諸子繕疏

授偉業參之偉業立朝未久於朝局未練不之應時温之主持門戶操握線索者德清蔡奕琛為最偉業難拒師命乃取參體仁疏增損之改坐奕琛

假歸娶郁淑人

淑人萬曆庚子武舉李茂女

陳繼儒

送吳榜眼奉旨歸娶詩年

少朱衣馬上郎春闈第一姓名香泥金帖貯黃金屋種玉人歸白

玉堂北面謝恩纔合香東方待曉漸催放詞臣何以酬明主願進

關雎窈窕章

張溥

送吳駿公歸娶詩孝弟相成靜亦娛遭逢偶

爾未懸殊人間好事皆歸子曰下清名不愧儒富貴無忘家室始

聖賢可學友朋須行時襟被猶衣錦偏避金銀似我愚

程穆衡

先生詩箋單狷菴恂竹香菴集吳太史奉詔歸娶眉公屬諸子同

賦二律狷菴警句云鏡邊玉筍人初立屏底金蓮燭乍移又云梅

妝并倩仙郎畫元是春風第一花

先行人

陳枋

抱桐集祭酒恆

言吾一生快意無過三聲臚唱占雲宮袍曜日帶醒初上奏節憂

然錦書御翰綺背卻扇流蘇初下放鉤鏗然海果生遲石麟夢遠

珠胎初脫墮地呱呱然

河決金龍口滕縣沈焉有悲滕城詩

李學院歲試先生仲弟

偉節

入州庠

字清臣

五年壬申二十四歲

西銘假歸為虎邱大會刊國表社集行世

復社紀畧偉業以溥門

人聯捷會元鼎甲欽賜歸娶天下榮之遠近謂士子出天如門下

者必速售比溥告假歸途中艤首所至挾策者無虛日及抵里四

遠學徒羣集癸酉春溥約社長為虎邱大會先期傳單四出至日

山左江右晉楚閩浙以舟車至者數千餘人大雄寶殿不能容生

公臺千人石鱗文布席皆滿往來絲織游人聚觀無不詫歎以為

三百年來未嘗有也

按復社紀畧總綱壬申張溥給假葬親歸為虎邱大會

六年癸酉二十五歲

約齋公五十初度 張溥有吳年伯母湯太夫人壽序載西銘集

七年甲戌二十六歲

城隍廟正殿災有重修太倉州城隍廟碑記

八年乙亥二十七歲

入都補原官充實錄纂修官 李繼貞送吳文玉入京師太史駿公

所詩長安名利地君行獨無求隨身一敝篋附舟若輕鷗累心既

云盡別家了不愁惟念太史公京洛多貴游名高眾所集道廣慮

難周君到雖坐鎮時復佐老謀切劇公輔器伴俟協金甌當思伯

氏庸割俸營菟裘勿謂余戲言二公今黑頭

倪學院歲試季弟 偉光入州庠 字季令

九年丙子二十八歲

奸民陸 文聲 訐復社事 太倉州志時有奸民首告復社事當軸陰

主之欲盡傾東南名士偉業疏論無少避 明史張溥傳里人陸

文聲者輸資為監生求入社不許采又嘗以事扶之文聲諸闕言

溥采為主盟倡復社亂天下温體仁方柄國嚴旨窮究不已至十

四年溥已卒而事猶未竟刑部尚書蔡奕琛坐黨薛國觀繫獄未

知溥卒也許溥遙握朝權已罪由溥因言采結黨亂政詔責溥采

回奏當是時體仁已前罷繼相者張至發薛國觀皆不喜東林及

是至發國觀亦相繼罷而周延儒當國溥座主也其獲再相溥有

力焉故采疏上事即得解 復社紀畧陸文聲字居實以事銜張

采攜其事走京師蔡奕琛導之温體仁所温意中不知有采先是

體仁欲罷行取啟上因星變青衣布袍齊居武英殿求直言令淮

安衛三科武舉陳啟新上書特旨擢列諫垣至是乃曰誰為張采

令所急者張溥耳能併彈治當授官如啟新矣文聲從之事下學

臣倪元珙時社中吳繼善克孝夏允彝陳子龍皆在京謂文聲必

有浙人頤指說之就選出諸外社局始安乃釀金為部費使擇善

地文聲與二吳有表戚克孝為盟約以堅之得道州吏目以去元

珙竟以隱降調繼之山東元璋璋輟歸齊人張鳳調代之延臨川

羅萬藻閱文學政悉入羅掌握温無如之何會明年溥卒温罷相

事得解 復社事實十年正月蘇州民明史作太倉州監生是陸文聲疏陳

風俗之弊皆原於士子庶吉士張溥知臨川縣事張采倡立復社以亂天下思陵下提學御史倪元珙察覈倪公言諸生誦法孔子引其徒談經講學互相切劘文必先正品必賢良實非樹黨文聲以私憾妄許宜罪閭臣以公蒙飾降光祿寺錄事蘇州推官周之夔者與溥同年舉進士初亦入社至是希閭臣意墨經諸闕復許奏溥等樹黨挾持案久未結讒言罔極至有草檄以伸復社十罪者大約謂派出婁東吳下雲間學則天如雜斗卧子上搖國柄下亂羣情行殊八俊三君迹近八關五鬼外乎黨者雖房杜不足言事業異吾盟者雖屈宋不足言文章或呼學究知囊或號行舟太保傳檄則星馳電發宴會則酒池肉林至十五年御史金鉉峒給事姜琛各上疏白其事始奉旨朝廷不以語言文字罪人復社一案准註銷後福藩稱制阮大鍼怨戾寅秋南國諸生顧杲等一百四十八之具防亂公揭也日思報復爰有王寶鼎東南利孔久漣復社巨魁聚歛一疏大鍼語馬士英云孔門弟子三千而維斗等聚徒至萬不反何待至欲陳兵於江以爲防禦心知無是事而意

在盡殺復社之主盟者時崑銅暨宜興貞慧定生輩皆就逮繫獄桐城錢秉鐙宣城沈壽民亡命得脫假令王師下江南少緩則復社諸君子難乎免於白馬之禍矣朱彝尊靜志居詩話復社雖太倉二張主之實引次尾扶九相助當其時烏程溫相君有子求入社扶九堅持不可於是徐懷丹之檄陸文聲之疏周之夔之彈事又繼以王寶鼎之飛章而復社禍機既發扶九亦日在憂

患中

秋典湖廣試刑科給事中宋 汝爲副與熊魚山開元鄭淡石友元會

先生書宋九青逸事九青以刑右給事副余使楚兩人相得甚蓋其時天下已多事楚日岌岌而武昌阻大江固無恙楚之賢士大夫爲魚山熊公浚石鄭公乃九青同年生又皆吏於吾土聞兩人之至也挈舟來酌酒江樓敘述往昔商榷文史夜半耳熱談天下事流涕縱橫先生宋玉叔詩文集序守官京師從九青游奉使同事楚闈登黃鶴樓俛眺荆江鄂楮間拊楹慷慨九青題咏甚夥余愧未能成章亦勉賡以紀名勝九青不鄙而進余謂可深造

於斯事 先生梅村詩話九青年十九登乙丑進士任吏科給事
 陞太常進戶部侍郎以枚卜遇讒歸嘗與余同使楚竟陵鄭淡石
 贈什曰剖斗折衡為文章天下隻東與萊陽謂吾兩人也 張博
 跋宋九青送熊魚山文手卷熊魚山鄭淡石兩先生之為諫官也
 一以三月去一以十月去顧其令吾吳則皆六年也蘇松財賦甲
 天下吳江華亭殷大允冠二郡兩先生以德鎮之六年之內無逋
 賦無罷人百姓稱為至平迺天子再命大吏稽錢穀時淡石行矣
 文書往來高下者久之獨兩先生調他職徵其說則曰以賦故也
 都人士目睽睽益不知所謂嗟乎苟不得所謂讀兩先生封事可
 矣苟不及讀兩先生封事讀宋九青一篇送行文其亦可矣
 夜泊漢口 送黃子羽之任

十年丁丑二十九歲

充東宮講讀官

陳子龍

贈吳太史充東宮講官詩蒼葭開震域青

殿接文昌霞氣騰元圃瓊條拂畫堂選端周典禮拜漢元良史
 職移仙省宮僚總帝鄉金貞儲后重玉立侍臣莊羽籥傳秋實詩

書出尚方夏侯經術茂皇甫素懷芳雜載青槐蔭龍泉碧藻香珠

簾參晚燕壁月照春坊下賦情文稱王箴忠愛長一時推碩德萬

國仰重光媿我羊裘側思君象輅旁臨風疏館靜遙夕可相望

劾張至發

直聲動朝右

明史萬歷中申時行王錫爵先後枋政大

旨相紹述謂之傳衣鉢張至發代溫體仁一切守其所為而才智

機變遜之嘗簡東宮講官擢黃道周為給事中馮元飈所刺至發

兩疏詆道周而極頌美溫體仁孤執不欺為編修吳偉業所劾

七月次女生後適海甯陳直方

容永

相國之適

子

先生遣悶詩一

女血淚啼關干舅姑嶺表無書傳一女家破歸間關良人在北愁

戌邊更有一女憂風煙圍城六月江風寒

按先生長女適王天植

有女適桐城何其穎州守應璜子又考婁東耆舊傳張墳娶

梅村吳公第六女墳宿遷訓導蒿園之子給諫王治之孫

又按先生行狀及墓表女九人郁淑人出四側室浦孺人出三側

室朱安人出二致延陵家譜一適諸生王陳立增城合瑞國子一
 適海甯孝廉陳容永相國之適子一適江甯監生何棠國子一
 適子一適胡金門一字宜興諸生周申祺未嫁卒郁淑人出一適
 吳縣錢鏡徵一適崑山監生李昶側室浦氏出一適監生張墳一
 適常熟國子監助教封翰林院庶吉士席承恂側室朱安人出

梅村先生年譜卷一終

梅村先生年譜卷一

十一年戊寅三十歲

江右楊機部廷驤以翰林改官兵部主事贊畫督臣盧象昇軍事
與楊鳧岫士聰謀劾吏部尙書田惟嘉太僕寺卿史堇諸不法事

先生左諭德濟甯楊公墓誌銘丁丑會試同考得春秋士二十三
人明年皇太子出閣講學充校書官以職事糾中書黃應恩失當
事意尋以經筵講官召對面論考選得失疏劾吏部尙書田惟嘉
及其鄉人史堇所爲諸不法上用其語惟嘉黜免堇逮問未幾田
史之黨復振公病請回籍辛巳史堇死獄中詔籍其家應恩前已
他事論死乃思公言爲可用 又公謹質凝重多大節其以職事
糾黃應恩也應恩者小人厯事久關通中外舊制詞臣於殿閣大
學士爲同官而中書特從史卽積資至九卿不得鈞禮淄川相以
外臣入廢掌故而應恩拔中官重示籠絡又助爲調旨以此得相
張心益驕無舊節公與語不合立具奏又移書淄川責數之而僉

人盡曰攝公矣田惟嘉者以吏侍郎取中旨進於相張爲師生而史堯特虎而鷲父喪家居頤指諸大吏爲威福天下莫敢言公於便殿白發其端退而上書條疏賊覺章十數上

三月二十四日召對進端本澄源之論

湯太淑人八十稱觴 李繼貞 有吳母湯太夫人八十壽文 載洋槎集

十二年已卯三十一歲

升南京國子監司業 李繼貞 與門人吳禹玉書令長公南司成之

推大爲扼腕要之饒山水多高賢宜詩酒有此三快三公不易矣今已抵任否門下奉親之暇何以爲適園林窮勝事鐘鼓樂清時此二語可以當之

督師盧象昇卒 先生詩話 盧自謂必死願參軍書生徒共死無益

乃以計檄之去機部不知也機部到孫侍郎傳廷軍前六日盧公於賈莊死難矣 明史 盧象昇傳楊廷麟上疏嗣昌怒奪象昇尙書巡撫張其平閉闔絕餉俄又以雲晉警趣出關王朴徑引兵去象昇提殘卒次宿南宮野外畿南三郡父老聞之咸叩軍門泣請

移軍廣順無隻臂之援立而就死象昇流涕謝以事從中制食盡力窮旦夕死矣無徒累爾父老爲衆號泣各攜斗酒粟餉軍十二月十一日進師至鉅鹿賈莊起潛擁關甯兵在雞澤距賈莊五十里而近象昇遣廷麟往乞援不應師至蒿水橋遇 大清兵 象昇將中軍大威帥左國柱帥右遂戰夜半虜策聲四起旦日騎數萬環之二三匝象昇麾兵疾戰呼聲動天自辰至未破盡矢窮奮身鬪殺後騎皆進手擊殺數十人身中四矢三刃遂仆掌牧楊陸凱懼衆之殘其屍而伏其上背負二十四矢以死一軍盡覆大威國柱潰圍得脫 明史 楊廷麟傳十一年冬京師戒嚴廷麟上疏劾兵部尙書楊嗣昌言大臣以國爲戲嗣昌與高起潛方一藻倡和欵議武備頓忘督臣盧象昇以禍國責樞臣言之痛心夫南仲在內李綱無功潛善秉成宗澤隕命乞陛下赫然一怒明正向者主和之罪俾將士畏法無有二心嗣昌大志詭薦廷麟知兵改兵部職方司主事贊畫象昇軍 思義 虞山蒙叟詩孤臂云何堪兩胸只墮西事不成東又不能曲突到焦頭五月邊書九月售葡督方一

藻督監高起潛本兵楊嗣昌共謀輸平以緩國難五月通事人周
元忠致信云欵若不成夏秋必有舉動十一年九月 大清兵入
牆子嶺殺總督吳阿衡毀正關至營城石匣駐於牛蘭召宣大山
西二總兵楊國柱王朴虎大威入衛三賜象昇尙方劍督天下兵
楊嗣昌高起潛主和議象昇聞之頓足歎帝召問方畧象昇對曰
臣主戰帝色變良久曰撫乃外廷議耳其出與嗣昌起潛議議不
合事多爲嗣昌起潛撓疏請分兵則議宣大山西二帥屬象昇關
甯諸路屬起潛象昇名督天下兵實不及二萬

漳浦黃公道周論楊嗣昌奪情事受廷杖先生遣太學生涂仲吉人
都訟冤干上怒嚴旨責問主使先生幾不免 奉使封延津孟津兩
王於禹州 過汴梁登孝王臺 漳浦黃公南還先生與馮司馬

遇之唐棲舟中出所註易授先生
思義 楊奪情爲大司馬已大拜至戊寅冬寇變衆懼不免而聖眷
彌篤已卯暫削官階冠帶辦事隨即賜復九月督師邊寇錫宴後
殿賜御製詩以寵其行詩曰鹽梅今借作干城大將威嚴細柳營

一掃寇氛從此靖邇來教養遂民生李少司馬雜錄云看此詩氣
象蕩平有機若使功成報命便與裴晉公何異惜乎虛此盛典也
虞山蒙叟投筆集註云閣臣楊嗣昌素奉佛法既出視師專意招
降賊降者數十萬卽於附近安插未幾降者復反四面皆起王師
如在重圍中矣嗣昌每日持誦華嚴謂此經可以消劫

十三年庚辰三十二歲
升中允諭德

嗣父文王公卒 陳廷敬先生墓表升中允諭德丁嗣父艱服除會
南中立君登朝一月歸

臨江參軍 先生詩話機部自盧公死後其策益不用無聊生詔
詰督師死狀賈莊前數日督師誓必戰願孤軍無援聞太監高
起潛史云陳 兵在近則大喜於眞定野廟中倚土銜作書約之
合軍高竟拔營夜逐督師用無援故敗機部受詔直以實對慈
谿馮鄰仙得其書謂余曰此疏入機部死矣爲定數語機部聞
之則大恨先是嗣昌遣部役張姓者史云俞 偵賈莊而其人譚

盧公死狀流涕動色嗣昌榜答之楚毒備至口無改辭曰死則死耳盧督師忠臣吾儕小人敢欺天乎遂以拷死於是機部貽書馮與余曰高監一段竟爲刪却後世謂伯祥不及一部役耶然機部竟以此得免已而過宜興訪盧公子孫再放舟襄中與天如師及余會飲十日嘉定程孟陽爲畫髯參軍圖余得臨江參軍一章余與機部相知最深於其爲參軍周旋最久故於詩最真論其事最當卽謂之詩史可勿愧機部後守贛州從城上投濠死機部陸武朝進兵部尚書東閣大學士開府南贛丙戌十月初四日死難

十四年辛巳三十三歲

李自成 陷河南福王 常洵 遇害有汴梁二首

五月哭張西銘師

再評復社命下南郭獨條對上獄乃解 張采具陳復社本末疏載金

鴻縣志

靜志居詩話崇禎戊寅南國諸生顧杲等百四十人具防亂公揭請逐閹黨阮大鍼子方實居其首有二云杲等讀聖人之書明討賊

之義事出公論言與憤俱但知爲國除姦不惜以身賈禍大鍼飲恨刺骨而東林復社之讎在必報矣大鍼名在東林點將錄號沒遮欄而閩人周之夔亦注名復社第一集阮露刃以殺東林周反戈以攻復社君子擇交不可不慎於始也
陳鼎 東林列傳蠅蚋錄出於溫體仁蝗蝻錄出於阮大鍼又有續蠅蚋錄及蝗蝻錄乃復社諸君子也計二千五百五十五人惟兩陝慎中無人

十五年壬午三十四歲

春 大清兵克松山洪 承疇 降遂下錦州祖 大壽 以錦州降有松山

哀

七月田貴妃薨葬天壽山有永和宮詞

十六年癸未三十五歲

升庶子

李自成 破潼關督師孫 傳廷 戰死有雁門尙書行文 祖 堯 來爲太倉

州學正鼎革後棄官寓僧寺以青烏術自給人皆知滇南先生爲古

年譜一
君子有文先生六十壽序送文學博以蒼公招同住中峯寺曇陽觀
訪文學博介石兼讀蒼雪詩遺跡有感諸詩志衍之成都任有送志
衍入蜀詩

附 先生詩話下玉京題扇送余兄志衍入蜀云剪燭巴山別思遙
送君蘭楫渡江皋願將一幅瀟湘種寄與春風問薛濤

秋七月由崧龔封福王

十二月文選司郎中吳昌時棄市 吳江縣志吳昌時少受業於周
忠毅宗建故與清流流通聲氣而爲人墨而狡既通籍曰奔走權要
探刺機密以炫鬻市重周延儒之再起也昌時爲通關節及爲首
輔其辛未取士馬世奇本延儒師力勸以正故初治事頗有賢聲
而昌時則挾勢弄權大啟倖門延儒視師通州一晨而昌時之啟
事入至帝密刺之知其交關狀而未發吏部舉行年例先擇選事
故事副郎有調部者正郎不調部昌時欲持權使人誑冢宰鄭三
俊曰昌時持正有風力主年例爲直遂從儀制正郎調文選事爲
破格人皆側目及舉行年例出異已者十人於外一時大譁既而

御史蔣拱宸劾昌時職私巨萬多連延儒并言內通中官漏洩禁
密事帝震怒御中左門親鞠之遂下獄論死且始有誅延儒意時
魏藻德新入閣有寵謂其師薛國觀之死昌時實致之恨昌時甚
因與陳濟甚排延儒掌錦衣衛者駱養性復騰蜚語帝遂命盡削
延儒職勒其自盡而昌時棄市論者謂二人無逃刑帝能申法也
雒陽行 先生詩話陳臥子嘗與余宿京邸謂余曰卿詩絕似李
頤又誦余雒陽行一篇謂爲合作

大清順治元年甲申明崇禎三十七年三十六歲

三月流寇陷京師莊烈帝崩於萬壽山先生里居聞信號痛欲自益
爲家人所覺朱太叔人抱持泣曰兒死其如老人何乃已 明史周
遇吉傳十七年二月太原陷遂陷忻州圍代州遇吉先在代遇其
北犯乃憑城固守而潛出兵奮擊連數日殺賊無算會食盡援絕
退保甯武賊亦踵至遇吉四面發大礮殺賊萬人設伏城內出弱
卒誘賊入城殺數千人城圯復完者再傷其四驍將自成懼欲退
其將曰我衆百倍於彼但用十攻一更番進蔑不勝矣城遂陷闔

家盡死而大同總兵姜瓖表至自成大喜方寔其使者宣府總兵
王承慶表亦至自成益喜遂決策長驅歷大同宣府抵居庸大監
杜之秩總兵唐通復開門延之京師遂不守矣賊每語人曰他鎮
復有周總兵吾安得至此 楊士聰 甲申核真畧賊之陷二關而
入也守甯武關者總兵周遇吉夫婦臨陣殲賊無數賊誘降不從
力盡全家赴火賊屠其城歎曰使守將盡如周將軍吾何以得至
此是日至宣府白廣恩官撫民與總兵姜瓖約降至居庸太監杜
之秩與唐通俱降 先生綏寇紀畧自成初盜福邸之貲以號召
宛雒逮乎京師陷其下爭走金帛財物之府以分之彼飢寒乞活
之人一旦見宮室帷帳珍怪重寶以千數志滿意得飲酒高會朕
篋擔囊惟恐在後

山海關總兵吳三桂 奉詔入援聞燕京陷猶豫不進 自成 執其父 襄
合作書招之許以通侯之貴 三桂 欲降至灤州聞其妾陳沅 爲賊所
掠大憤急歸山海關乞降於我 大清有圓圓曲 詩中有衝冠一怒
重幣求去此 爲紅顏句三桂賣
詩先生弗許

四月鳳陽總督馬士英等迎福王 由遂入南京稱監國王寅自立於
南京國號宏光

附唐 孫華 東江集談金陵舊事詩金陵昔喪亂炎運值標季忽從
大梁城倉皇走一騎偶竊藩邸璋自言某王嗣貴陽一奸人乘時
思射利奇貨此可居何暇論真偽卜者本王郎矯誣據神器遂修
代來功超踰登相位權門輦金帛掖庭陳秘戲江表張黃旗王氣
銷赤幟媮息僅一年傳聞有二異北來黃犢車天表自英粹雜問
聚朝自膛目各相視遙識講臣面備言宮壺事諸臣媚新君誰肯
辨儲貳爭效雋不疑競指成方遂泉鳩無主人束縛乃就吏復有
故宮妃飛蓬亂雙髮自言喪亂時此離中道棄生子已勝衣壯髮
猶可識不望昭陽恩不望金屋貯願一見大家瞑目甘入地上書
欲自通沉沉九閭闕詔付掖庭獄見者爲垂淚不如厲王母銜憤
早自刺祗緣當璧假翻招故劍忌誠恐相見非泄此蹤跡秘滅口
計未忍對面諒餘愧鳥獸有仇儷豺虎知乳辜豈獨非人情捐棄
恩與義虞呂及牛馬秦晉潛改置皆從胎孕中長養崇非類未聞

妄男子潛盜出不意籠種乞為奴孤假得暫恣茲實眾口傳曾見
遺老記疑事終闕如庶聽來者議福世子之偽正史不載錄之以廣異聞

分江北為四鎮以黃得功劉澤清劉良佐高傑領之

史可法開府揚州按東華錄有熈政王遣南來副將韓拱薇等致明大學士史可法書宏光甲申九月十五日史可法

答攝政王書

五月 大清定鼎燕京

十月張獻忠破成都志衍一門三十六口俱被害有志衍傳觀蜀鵲

啼劇題志衍山水詩

姜琛謫戍宣州衛有東萊行 明史姜琛傳琛杖已死弟垓口渴灌

之乃蘇盡力營護後聞鄉邑破父殉難一門死者二十餘人垓請

代兄繫獄釋琛歸葬不許即日奔喪奉母南走蘇州 又垓為行

人見署中題名碑崔呈秀阮大鍼與魏大中並列立拜疏請去二

人名及大鍼得志滋欲殺垓甚垓變姓名逃之甯波國亡乃解生

有姜如須從越 王士正感舊集小傳崇禎壬午琛擢禮科給事中寄詩次韻

中五月中條上三十疏以言事觸首輔怒與行人司副熊開元同

下北鎮撫司獄備極考掠幾死者數矣甲申正月謫戍宣州衛聞

京師陷思陵殉社稷痛哭而南之戍所未至以金陵放留吳門不

肯歸以馬阮用事避地徽州祝髮黃山自號敬亭山人戊子奉母

歸萊陽山東巡撫重其名遣使招之先生故墜馬以折股給使者

而夜馳還江南自號宣州老兵欲結廬敬亭未果病亟遺命葬宣

城戍所口吟易簣歌一章以卒 盛敬成仁譜崇禎癸未 大兵

入關山東雲擾萊陽諸生姜瀉里字爾岷偕其季子坡及工部侍

郎宋玖攻宗人吏部稽勛司郎中應亨俱以罷任家居經畫守禦

兵薄城下坡發一礮中其帥首少却亡何夜襲城兩家皆驅家僮

巷戰刃中瀉里背見殺坡抱父屍大罵兵鬻之執玖應亨相對接

掠不屈死按瀉里

左 懋第 充通問使有下相極樂庵讀同年北使時詩卷 明史左懋

第傳懋第初授韓城知縣有異政考選戶科給事中福王立為應
天巡撫甲申大學士高宏圖議遣使通好於我而難其人懋第請
行八月渡淮十月朔次張家灣止許百人入都懋第縋服以往館

於鴻臚寺以不得赴梓宮卽於館所遙祭是月二十八日遣還尋
自滄洲追還改館太醫院 葛芝卧龍山人集侍郎奉使在北羈
太醫院也部曲有盜餉潛通者侍郎怒杖殺之其黨因告侍郎有
異圖攝政王陳兵入院令曰薙頭者生不薙者死侍郎叱曰頭可
去髮不可去同行數十人不屈者參贊兵部陳用極游擊王一斌
都司張良佐王廷佐劉統五人而已因趣下刑部銀鑄數重七日
不動遂執以如王所王愈欲降之則令侍郎之兄道意不得因請
死王猶豫未決侍郎奮曰男兒死耳何疑爲拽出順城門將就縛
飛騎至曰降者王矣侍郎曰甯爲上國鬼不願爾封王也六人以
次受戮用極與侍郎屍直立不仆忽驚風四起斷蓬飛入天際觀
者爲之流涕罷市

一二年乙酉三十七歲

南京召拜少詹事

二月 王師南下揚州史可法嬰城固守攻益急可法十餘疏告急
宏光以演劇不省援兵不至刺血作書別其母妻 王師以飛礮擊

城西南隅陷可法死之有揚州詩

五月初九日 王師渡江福王由崧奔太平南都亡 褚人穫 堅瓠

集乙酉五月 王師下江南吾蘇帖然順從六月十三日忽有湖

賊揭竿殺安撫黃家鼐城中鼎沸賴 大兵繼至得甯

劉澤清降我 朝惡其反覆磔誅之有臨淮老妓行 王士正南征

紀畧淮安頗稱鞏固甲申五月澤清實來盤踞與田仰日肆歡飲

大兵南下有問其如何禦者曰吾擁立福王以來供我休息八

月大興土木造室宇極其壯麗僭擬王居休息淮上 觚臙澤清

建閩淮陰興屯置樵富亞郟塢而漁色不已 天旅南下托以左

兵犯順率旅勤王撤戍離汎大掠南行遇 王師於蕪湖謀入海

不得倉猝迎降

鄭芝龍黃道周等奉唐王聿鍵稱監國六月自立於福州號隆武

楊文驄之閩有送友人從軍閩中讀友人舊題走馬詩於郵壁漫次

其韻 成仁譜楊文驄字龍友貴州貴陽縣人崇禎辛未進士以職

方郎中監鎮江軍乙酉夏鎮江潰六月安撫黃家鼐至蘇州文驄

結陳情等攻殺之尋入浙至閩拜兵部侍郎丙戌福州陷率川兵搏戰不克死

九月執由崧以歸於京師

先生應南京詹事之召甫兩月奕琛黃緣馬士英復柄用修舊卻先逮吳御史迺次擬先生先生知事不可爲又與馬阮不合乃謝歸

明史奸臣傳朝政濁亂賄賂公行四方警報狎至士英身掌中樞一無籌畫日以鋤正人引兇黨爲務時有狂僧大悲出語不類爲總督京營戎政趙之龍所捕大鍼欲假以誅東林及素不合者因造十八羅漢五十三參之目書史可法高宏圖姜曰廣等姓名內大悲袖中海內人望無不備列獄詞詭秘朝士皆自危而士英不欲興大獄乃止夏允彝幸存錄馬士英入政府方快於逐姜劉而用阮大鍼不復顧大柄之委去也大鍼一出凡海內人望無不羅織巧詆貪夫壬人無不湔洗拔用先生冒辟疆五十壽序往者天下多故江左尙晏然一時高才子弟才地自許者相遇於南中刻壇墀立名氏陽羨陳定生歸德侯朝宗與辟疆爲三人皆貴

公子 又有皖人者流寓南中故奄黨也通賓客畜聲伎欲以氣力傾東南中西之亂彼以攀附驟枋用興大獄以修舊郅定生爲所得幾填牢戶朝宗遁之故郭山中南中人多爲辟疆耳目者跳而免尋以大亂奉其父憲副嵩少公歸隱如皋之水繪園誓志不出先生與母徐太夫人壽序當幼洪爲給諫余亦官南中以母老歸養請急東還聞幼洪之及也余自知不免雖然不敢以告吾母也無何江南大亂余奉母奔竄山中幼洪亦自獄所脫歸母子相見倉皇避兵皆慳而後免今太夫人康彊壽考諸子拜堂下進七十之觴而吾母亦健飯無恙兩家母子同以危苦得全此非天爲之耶

五月十七日州役皂隸輿廝等毆張南郭以積米未明爲詞劉河兵以數月乏糧擁至城勢張甚十九日滿城民夜皆聞鬼哭二十日士民訛言大兵已至蘇州居民驚徙城市一空知州朱喬秀客而懦卒當時危惟擁費闔門爲走計六月初二日盜庫帑逸初四日州亂焚搶蜂起先生避亂攀清湖有攀清湖讀史雜感避亂詩

思義朱

昭邑明鏡 小山雜著乙酉閏六月一日夜將半訛言忽起傳有寇警余披衣起露立庭中見天上小星散落如雪洪範曰庶民惟星其隕如星乎十六日望夜月食之既眾星流移縱橫絡繹各有芒角占曰百姓流徙之象吳人輕名節而重毫髮始則望風納款繼乃愛惜顛毛遂各稱兵旅拒崑山咫尺音問不通鄉城唇齒辨髮相戮枯守城中正如坐井七月初四日屠嘉定初六日屠崑山十二日屠常熟吳郡縣七州一崇明懸處海外六邑五受傷夷惟一州爲魯靈光之獨存自雜弁恣意淫刑悍卒踴躍奪劫鄉城哽咽互召敵仇譬之蟹然去其郭索之物惟餘頑然一腹究復何濟七月初七日屠嘉定左通政侯峒會死之子元演元潔從死觀政進士黃澆燿自縊於真濟寺弟淵燿從死孝廉張錫眉縊於文廟學正龔用圓投井死初六日屠崑山原任總兵王南陽貢生朱集璜死之孝廉徐開元妻自縊長子次子不忍其母痛哭罵軍大怒縛置庭柱亂鏃射殺二子善屬文有美才崑山被屠者幾及八萬人俘婦女無算其軍士大約黃靖南降卒也淫殺十倍北軍十二月

屠常熟是日前荆門以義陽王爲名需索大戶士女逃竄城郭爲空以故軍至無大獲所屠者單戶而已三縣合計所屠之戶不下二十萬人凡厚貲強有力者先遷荒野遇害間有一二大率中人下戶居多語云千金之子不死於市信哉八月初三日李成棟統軍屠太倉各鎮李成棟移師至松江府松江水師敗北提督京口水營總兵王蜚吳淞總兵吳志葵被擒王蜚死之破府城屠四五萬人俘婦女畧同吳郡吏部考功司主事夏允彝沉河死守金山衛指揮侯懷玉死之

六月 大兵入浙有堇山見詩 楊陸榮 三藩紀事本末乙酉官兵

既入浙縱肆淫畧總鎮聞梟示十數人令搜各船所掠婦人給還本夫兵士畏法遂以所掠沈之江中 又乙酉六月我貝勒留兵二千駐吳閫大軍悉趨杭州掠嘉興而過時潞王常洵在杭撫按請命奉書迎降而嘉興士紳屠象美等復集兵據城守 大兵還攻半月而破

閏六月祖母湯太淑人卒

三年丙戌三十八歲

瞿式耜等以桂王由榔監國於肇慶號永曆

志行之弟事行自蜀中徒跣逃歸有哭志衍詩

秋王煙客時敏治西田於歸涇之上去城西十有二里是為十四都

構農慶堂稻香菴霞外閣錦鏡亭西廬語稼軒逢渠處巢安等室約

張南垣壘山種樹錢虞山作記先生為作歸村躬耕記

琵琶行 西田詩 和王太常西田禱興 福建道監察御史贈

太僕寺卿諡忠毅李公神道碑銘

四年丁亥三十九歲

正月 大兵克肇慶桂王奔桂林尋奔全州以式耜留守桂林

元配郁淑人卒

楊繼生任太倉學正有閩州行贈楊學博爾緒 顧昺齊壬夏

雜抄楊先生秉鐸吾婁妻女在蜀遭亂已無可奈何矣會吾婁盛

泰昭釋褐秦之畧陽令楊以盃酒餞之曰倘至彼中得吾家消息

片鴻寸鯉勿靳也盛赴任一載偶以事出見婦人負血書匍匐道

左物色之即楊內闔也乃假以一椽飛書廣文婦嚙二指以血作
字并斷指裹來楊得之慟即以二百金使俾就舟東下會南宮期
近楊束裝目北至京口有北舟歛南偶觸詢之則楊夫人舟自陝
來也相別十餘年流落萬死天作之合異哉方出門時女猶襁褓
今已覓婿同來如一家

游越有謁范少伯祠登數峯閣禮浙中死事六君子駕湖曲駕湖感
舊

王煙客招往西田賞菊有詩

梅村先生年譜卷二終

梅村先生年譜卷三

五年戊子四十歲

七月同年楊冕岫卒先是京師陷冕岫投愛女於井趣妻妾縊死已則仰藥自殺爲防守者所覺水灌之大吐復活夫人孔氏懸絕甦乃棄家避兵武塘復徙丹陽金沙終歸毘陵鬱鬱不得志以死有左諭德濟甯楊公墓誌銘

八月築舊學庵於梅村西徧先生自爲記 按先生所居梅村舊爲

王駉賁園稱莘莊在大倉衛東中有樂志堂梅花庵交蘆庵嬌雪

樓鹿樵溪舍橙亭蒼溪亭諸勝思義攷先方伯松霞公日記甲申正月晤張南垣於吳駉公之居梅

村當時申酉間所購

後東臯草堂歌 先生詩話稼軒由進士爲兵科給事中好直諫

爲權相所訐罷歸築室於虞山之下曰東臯極游觀之勝酷嗜

石田翁畫購得數百卷爲耕石齋藏之未幾里中兒飛文誣染

逮就獄余時在京師所謂東臯草堂歌者贈稼軒於請室也後

數年余再至東臯稼軒倡義粵西其子伯升門戶是懼故山別墅皆荒蕪斤賣無復向者之觀余爲作後東臯草堂歌蓋傷之也又二年知以相國留守桂林城陷不屈與張別山俱死

六年己丑四十一歲

夏願雲師從靈隱來止城西太平菴別先生將遠游廬嶽且期以出世先生作詩贈之 婁東耆舊傳王瀚字原達受業於張采爲諸生有名國變爲僧號晦山大師名戒顯字願雲庚寅夏入廬山遂主席江右翰雖入空門悲憤激烈曾檄討從賊諸臣云春夜宴梨園不思凝碧池頭之泣端陽觀競渡誰弔汨羅江上之魂讀者俱爲扼腕 焚餘補筆原達性好佛崇禎甲申之變作詩謝文廟云忝列諸生踐極年義應君父死生連薄言草莽無官責敢卸衣冠哭聖前讀罷捲堂羞國士身同左祖幸敷天孤踪願謝宮牆餼甘作山農種石田素心多載想虛能獨係高堂久未曾國事一朝論鼎沸浮名何惜付層冰聊將毀服存吾義從此棲禪學老僧拭取青山無累眼好清世事理禪燈遂入山爲僧名戒顯乙酉六月州宦

陸遜之自淮歸云淮陽自有德宗上人知未來事陸以太倉問之德宗以州有再來人王和尚庇過再不犯兵革蓋指瀚也竟不被

慘禍云

按先生後有得廬山願雲師書專願雲師從廬山歸請詩

黃陶菴文集字 興福寺鐵爐銘 鴻臚寺序班封兵部武選司主事丹陽荆公墓誌銘

七年庚寅四十二歲

十一月 大兵入桂林桂王奔臨桂伯瞿式總督張同做俱死

先生詩話稼軒臨難遺表曰庚寅十一月初五日聞警開國公趙印選移營先去衛國公胡一青甯遠伯王永祚綏甯伯蒲纓武陵侯楊國棟甯武伯馬養麟盡室而行惟督臣張同做從江東泗水過江相期共死其赴義則閏十一月之十七日也繫囚一月兩人從容唱和稼軒得詩八首曰二祖江山人盡擲四年精血我偏傷又曰願作須臾階下鬼何妨慷慨殿中狂其末章曰年逾六十復奚求多難頻經渾不愁劫運千年彈指到綱常萬古一身留欲堅道力憑魔力何事俘囚作楚囚了却人間生死業黃冠莫擬故鄉

游別山和章有曰稜稜瘦骨不成眠祖德君恩四十年腰膝尙存
堪作鬼死生有數肯呼天又曰白刃臨頭惟一笑青天在上任人
狂又曰亡家骨肉皆冤鬼多難師生共哭聲又曰此地骨原堪朽
腐他時魂不待招尋二公死有舊給事中後出家號性因者收其
骨義士楊碩父藏其稿稼軒孫文昌間關歸以其詩與表刻之吳
中爲浩氣吟云別山死事最烈其未死也受拷掠兩臂俱折目睛
出語不爲撓稼軒有初六日紀事一詩曰文山當日猶長揖堪笑
狂生禮太疎別山和曰臂先頭斷生堪賤身爲城亡計豈疎銜木
焉知舌在否傷睛因笑眼多餘此其被刑時事也稼軒以義命自
處從容整暇自警詩曰死豈求名地吾當立命觀又自艾詩曰七
尺不隨城共殉羞顏何以見中湘蓋指何公騰蛟以殉難封中湘
王也若兩公者眞可謂殺身成仁者也

赴十郡大社

毛奇齡

駱明府墓誌駱姓諱復旦字叔夜山陰人嘗

同會稽姜承烈徐允定蕭山毛牲赴十郡大社連舟數百艘集於
嘉興南湖太倉吳偉業長洲宋得宜實穎吳縣沈世英彭龍尤侗

華亭徐致遠吳江計東宜興黃永鄒祇謨無錫顧宸崑山徐乾學
嘉興朱茂暘蘇尊嘉善曹爾堪德清章金牧金范杭州陸圻越三
日乃定交去

八月大風海溢有詩

得龔芝麓

龔芝麓書

生詩話

至海虞有琴河感舊聽女道士卞玉京彈琴歌哀孫孝若山樓賦贈
諸詩 先生詩話卞玉京字雲裝白門人善畫蘭能書好作小詩余
詩云緣知薄倖逢應恨恰便多情喚却羞此當日情景實語也又
過三月爲辛卯初春乃得扁舟見訪共載橫塘始將前四詩書以
贈之

附

虞山叟讀梅村豔體詩有感書後四首并序余觀楊孟載論

李義山無題以爲音韻清婉雖極濃麗皆托於臣不忘君之意因
以深悟風人之旨若韓致光遭唐末造流離閩越縱浪香奩蓋亦
起興比物申寫託寄非猶夫小夫浪子枕酒流連之云也頃讀梅
村豔體詩見其聲律妍秀風懷愴惻於歌禾賦麥之時爲題柳看

桃之作旁皇吟賞竊有義山致光之遺憾焉雨窗無聊援筆屬和
秋菴寒蟬吟歎嗚嘶豈堪與間關上下之音希風說響乎河上之
歌聽者將同病相矜抑或以爲同牀各寤驟爾一笑也時庚寅元
稟之小月二十有五日上林珠樹集啼烏阿閣斜陽下碧梧博局
不成輸白帝聘錢無籍黃姑投壺玉女知天笑竊藥姮娥爲月
孤淒斷禁垣芳草地滴殘清淚到薜蘿靈璫森沈宮扇迴屬車轆
轤般輕雷江長海濶欺魚素地老天荒信鴛鴦媒上唾看成紺碧
懷中位忍化瓊瑰可憐銀燭風前淚留取胡僧認劫灰搥鼓吹簫
罷後庭書帷別殿冷流螢宮衣蛺蝶晨風舉畫帳梅花夜月停銜
璧金缸憐旖旎翻階紅藥笑娉婷水天閒話天家事傳與人間總
淚零銀漢依然界玉清竹宮香妻露盤傾石碑銜口誰能語棋局
中心自不平溼日更衣成故事秋風紈扇憶前生寒窗擁髻悲啼
夜暮雨殘燈識此情

嘉議大夫按察司使江公墓誌銘 贈李巖居御史

八年辛卯四十三歲

巨寇劉文秀 等踞滇黔吳三桂 握重兵屯保甯久無功四川巡撫郝
浴 劾其縱兵剽掠包藏異心未幾東西川俱陷 三桂 棄保甯退走綿
州 浴 聞警一晝夜七馳檄邀 三桂 還賊薄保甯勢張甚 浴 以忠義激
發將士與賊戰大破之卽密陳 三桂 跋扈狀有雜感詩

元旦試筆 梅花巷同林若無話雨聯句 德藻稿序

九年壬辰四十四歲

館嘉興之萬壽宮輯綏寇紀畧 欽定四庫全書總目提要綏寇紀
畧十二卷 國朝吳偉業撰偉業字駿公號梅村太倉人崇禎辛
未進士授翰林院編修入 國朝官至國子監祭酒是編專紀崇
禎時流寇迄於明亡分爲十二篇曰澠池渡曰車箱困曰眞甯恨
曰朱陽潰曰黑水擒曰穀城變曰開縣敗曰汴渠墊曰通城擊曰
鹽亭誅曰九江哀曰虞淵沈每篇後加以論斷其虞淵沈一篇皆
紀明末災異與篇名不相應考朱彝尊曝書亭集有此書跋云梅
村以順治壬辰舍館嘉興之萬壽宮輯綏寇紀畧久之其鄉人發
雕是編僅十二卷而止虞淵沈中下二卷未付棗木傳刻明史開

局求天下野史盡上史館於是先生足本出于鈔入百六叢書歸田之後爲友人借失云云意者明末降闖勸進諸臣子孫尙存故當時諱而不出與此本爲康熙甲寅鄒式金所刻在未開史局之前故亦闕虞淵沈中下二卷錄尊百六叢書爲人借失者雖稱後十八年從吳興書賈購得今亦不可復見此二卷遂佚之矣彝尊又稱其以三字標題仿蘇鶡杜陽雜編何光遠鑑戒錄之例考文章全以三字標題始於繆襲魏鏡歌詞鶡光遠遂沿以著書偉業敘述時事乃用此例頗不免小說纖仄之體其回護楊嗣昌左良玉亦涉恩怨之私未爲公論然紀事尙頗近實彝尊所謂聞之於朝雖不及見者之確切而終勝草野傳聞可資國史之采輯亦公論也按近有虞山張氏刻本虞淵沈中下二卷全

先生所著有春秋地理志春秋氏族志綬靖紀聞復社紀事秣陵

春樂府梅村詩話鹿樵紀聞諸書又有臨春閣通天臺兩種樂府

附徐欽詞苑叢談吳祭酒作秣陵春一名雙影記嘗寒夜命小鬟

歌演自賦金人捧露盤一詩黃東崖所謂法曲淒涼者正謂此詞

也祭酒又自題一律云詞客哀吟石子岡鷓鴣清怨月如霜西宮

舊事餘殘夢南內新詩總斷腸漫濕青衫陪白傅好吹玉笛問甯

王重翻天寶梨園曲減字偷聲柳七郎按詩集中逸又考先生寄

江黃東崖先生和予此詩中一聯曰徵書鄭重房師周芮公詩自注云晉

眠餐損法曲淒涼涕淚橫知己之言讀之感嘆唐孫華讀鹿樵

紀聞有感一旅誰知扼紫荊蝸蟻聒耳正分爭腹書競伏狐鳴火

手蔗頻驚鶴唳兵直待臨危思剪牧可應先事戮韓彭石頭袁粲

真堪惜自壞邊關萬里城指東莞督師

哭朱昭芭明鏡有朱昭芭墓誌銘

與蒼公會 先生詩話蒼雪師雲南人與維揚沈如師生同年月日

相去萬里而法門兄弟氣誼最得蒼住中峯沐住華山人以比無

着天親焉蒼公年老有肺疾然好談詩以壬辰臘月過草堂謂余

曰今世狐禪盛行一大藏教將墜於地矣且無論義學卽求一詩

人不可復得迺幸與子遇我襖被來不曾攜詩卷當爲子誦之是

夜風雨大作師語音愴重撼動四壁痰動喉間咯咯有聲已呼茶

復話不爲倦漏下三鼓得數十篇視階下雪深三尺矣當其得意

軒眉抵掌慷慨擊案自謂於此證入不二法門禪譏詩學總一參
悟其詩之蒼深清老沉着痛快當爲詩中第一不徒僧中第一也
師和余西田賞菊詩有獨擅秋容晚節全全字落韻和者甚多無
出師上王士正漁洋詩話近日釋子詩當以滇南讀徹蒼雪爲
第一如一夜花開湖上路半春家在雪中山亂流落葉聲兼下聽
徹寒扉不上關皆警句也

送林衡者佳幾

歸閩有送林衡者還閩序并詩 先生詩話衡者少

游黃忠烈之門以壬辰二月來婁東所著詩文詞數十卷詩蒼深
秀渾古文雅健有法其行也余贈以詩有五月關山樹影圓送君
吹笛柳陰船之句已而道阻再游吾州則秋深木落鄉關烽火南
望思親旅懷悲詫有聽鐘鳴悲落葉之風焉

得侯朝宗

方域書書載壯悔堂集

先生懷古兼弔侯朝宗詩死生總負侯

羸諾欲滴椒漿淚滿尊

自注云朝宗貽書約終隱不出余爲世所逼有負夙諾故及之

梅村先生年譜卷三終

梅村先生年譜卷四

十年癸巳四十五歲

春夜飲社集虎邱

程穆衡

先生詩箋癸巳春社九郡人士至者幾

千人第一日慎交社爲主慎交社二宋爲主右之德宜疇二德宏

既庭實穎佐之者尤展成侗彭雲客瓏也次一日同聲社爲主同

聲社主之者張素文在茲佐之者趙明遠炳沈韓倬世奕錢宮聲

仲諧王其倬長發太倉如王維夏吳郁計登禾周子倬肇則聯絡

兩社者凡以繼張西銘虎邱大會 王夏禔抄癸巳春同聲慎交

兩社各治具虎阜申訂九郡同人至者五百人先一日慎交爲主

次日同聲爲主 又會日以大船廿餘橫亘中流每舟置數十席

中列優倡明燭如繁星伶人數部聲歌競發達旦而止散時如奔

雷鴻泉遠望山上似天際明星晶瑩圍繞諸君各誓於關帝前示

彼此不相侵畔 王隨菴撰自訂年譜十年上巳吳中兩社並興

慎交則廣平兄弟執牛耳同聲則素文韓倬宮聲諸公爲之領袖

大會於虎邱奉梅村先生爲宗主梅翁賦禊飲社集四首同人傳
誦次日復有兩社合盟之舉山塘畫舫鱗集冠蓋如雲亦一時盛
舉拔其尤者集半塘寺訂盟四月復會於鴛湖從中傳達者研德
子似兩人專爲和合之局是秋九月梅翁應 召入都實非本願
而士論多竊議之未能諒其心也

九月應 召入都授秘書院侍講奉 敕纂修孝經演義尋升國子

監祭酒時先生杜門不通請謁當時有疑其獨高節全名者會 詔

舉遺佚薦剡交上有司敦逼先生控辭再四二親流涕辦嚴攝使就

道難傷老人意乃扶病出山按臺表深陽海甯兩陳相國共力薦先
生州縣志皆載總督馬國柱疏薦先生

有投贈督府馬公自嘆江樓別字令弟時字令送先生北行
至鎮江賦別而作登上方

橋有感鍾山臺城國學觀象臺雞鳴寺功臣廟元武湖秣陵口號遇

南廂園叟感賦八十韻淮陰有感將至京師寄當事諸老高郵道中

遇雪卽事言懷臨清大雪阻雪諸詩

胡彥遠介送吳梅村被徵入都海外黃冠舊有期難教遺老散清

時身隨杞宋留文獻代閱商周重鼎彝滿地江湖傷白髮極天兵

甲憶烏皮重來簪筆承明殿記得揮豪出每遲幕府徵書日夜催
宮開碣石待君來歸心更度桑乾水伏櫪重登郭隗臺花萼春迴
新侍從風雲氣隱舊蓬萊暮年詩賦江關重輪却城南十里梅一
樽雨雪坐冥濛人在汪洋千頃中老驥猶傳空冀北春鴻那得久
江東捺笮過眼成虛谷禾黍關心拜故宮我亦吹簫向燕市從今
敢自惜途窮碧海黃塵事有無此來風雪滿燕都遺京節度新推
轂 盛世朝廷倍重儒花暗鳳池思劍珮春深虎觀夢江湖悲歌
吾道非全泯坐有荆高舊酒徒

十一年甲午四十六歲

官京師有病中別字令弟時字令省先生於京及再寄三弟詩前詩
師南歸言別而作

未盡故出京後再寄之掛冠之志不覺情見乎詞

送穆苑先南還 壽總憲龔公芝麓 送湘陰沈旭輪謫判深州

送天台何石湖之官臨晉兼簡蒲州道嚴方公 送永城吳令

之任 送李書雲蔡閻培典試西川 送山東耿中丞青藜 送

顧蔣來典試東粵

十二年乙未四十七歲

贈馮訥生進士教授雲中 送隴右道吳贊皇之任

十三年丙申四十八歲

春

上駐蹕南苑閱武行蒐禮召廷臣恭視賜宴行宮先生賦五七言律詩五

七言絕句每體一首應 制

聖駕幸南海子遇雪大獵先生恭紀七律一首

午日 賜宴瀛臺龍舟

海寇犯鎮江有江上詩

海甯陳相國謫戍遼陽有贈遼左故人詩

哭蒼雪法師有詩

宛陵施愚山 閩章 提學山東送之以詩 施 閩章 夢愚堂銘施子返

自粵西載羅憂感除服北征宿於青州之官舍庭月皎然酒酣就

睡若有見焉頎然而長黝然而黑長袖青衣袒胸跣足持半刺署

愚山道人四字時順治乙未三月之望日也至京師以告侍讀學

士龍服方先生答曰嘻殆子之前身也因呼余曰愚山子迄明年
拜命督山東學抵青州駐節於斯開帙視郡志地故有愚公谷乃
失笑曰向所夢者其斯人耶

馬逢知 爲松江提督有茸城行客談雲間帥坐中事詩 董含三

識畧馬逢知初名進寶起家羣盜由浙移鎮雲間貪橫僭侈百姓
殷實者械至倒懸之以醋灌其鼻人不堪無不罄其所有死者無
算復廣佔民廬縱兵四出劫掠時海寇未靖逢知密使往來江上
之變先期約降要封王爵反形大露事定科臣成公肇毅特疏糾
之朝廷悉生他變温旨徵入繫獄妻女發配象奴未幾與二子伏
法東市當逢知之入 覲也珍寶二十餘船金銀數百萬他物不
可勝紀綿亘百里及死無一存者人皆快之

約齋公舉鄉飲大賓 州守三韓白公 登明 滄邑中耆碩七人賓於

庠備養老之禮首前浙江布政使松霞顧公 燕諭 時年七十四歲

次約齋公時年七十三歲次前太常寺卿煙客王公 時敏 次前嘉

湖兵備道魯岡吳公 克孝 次同官縣知縣梅梁曹公 有武 次前河

間府知府約菴凌公必正次前新都縣知縣攝六黃公翼聖以次
爲序爲婁東七老他爵位高而名德弗逮者不與焉 白公尊禮
婁東七老敢當稽養老之典肇自虞庠介壽之詩奏於幽雅蓋敬
老近父國雍有醬醕之文而序賓以賢閭里成仁讓之化然而世
多涼行商芝徒翼漢備時際代遷涓瓊疇襄周鼎求其鴻冥儀世
一時星聚太邛船背維祺百世風師大雅蓋其鮮矣瞻茲婁東三
吳之名州而忠哲之淵藪也鸞翔鳳舉仕版蔚爲叢施豹隱麟潛
川林毓多大老方伯顧公名著价藩心懷肥遯庭之昌後叶其
作求塵尾之宗雷讓其領袖封君吳公經啟振麟情怡盟鷺既儀
一而心結更抱冲而揚和太常王公世襲晉纓心棲元淡齊家飭
肅雍之範宜爾多賢禮人被光霽之風羣推長者憲副吳公澤厥
召棠清甘原廡朱絃玉尺視躬無愧直方丹篆青編好學尙勤切
琢邑尹曹公花封解綬門高五柳之風蔗境垂簾宇藹三芝之秀
憲副凌公榮謝桂林性耽松壑倘佯自得不緇城市之塵翰墨競
珍獨步風華之蕪州牧黃公明月入懷清風振世樂推爲善踵太

邱之遺徽心徹禪宗埽辟支之小乘此七老者咸先世之逸民海
邦之耆碩也雖行不同軌而齒皆遐齡久心寫於式閭茲身親夫
授几十月初吉鄉飲屆期敘請諸老用光大典初歌鹿鳴之詩志
乞言也嗣歌南山之詩祝壽考也既歌淇澳之詩揚進德也考鐘
佻鼓圍視聽於橋門崇齒尙賢隆賓僕於杖履大禮旣成列耆載
宴瞻斗杓之有七熠熠台光稱達尊之有三巍巍嶽望年日耄而
德日劭國有老成之型儒可立而頑可廉風登仁壽之域將見香
山之九老不獨擅美千秋而洛社之羣英亦可匹芳百禮矣此固
一鄉之盛亦有司之光也謹將七老姓氏齒爵錄於左方以詔來
茲焉 思義 先方伯松霞公日記云十月朔日乙亥大霽大暖如
暮春赴州守鄉飲之席圍橋門而觀聽者萬人共詫以爲盛舉豈
知吾胸中黍離麥秀之感也

嗣母張太孺人卒於家

陳廷敬

先生墓表嗣母之喪南還

上親

賜丸藥撫慰甚至

王崇簡

吳母張太孺人墓誌銘先生始生時

朱太孺人尙育三歲子太孺人念其勞瘁從襁褓中乳字先生及

夫願復醫禱恩義真切此太孺人每以無忘撫育恩詔先生也況太孺人之歸文玉公也訓有錢孺人未周歲之遺女以至嫁而歿勤劬周恤人不以為繼母也殆其性之者與按太孺人世為婁東望族明經張柏菴公其父也迨歸文玉公為繼室文玉公入繼太宗為玉田公後歲時思慕孝祀不衰與朱太孺人事其姑四十年將承恐後而妯娌之間和藹相終始雖離如也當先生趨召太孺人固康疆無恙也而眷戀若永訣屬先生異日無忘我夫婦之事嗣父母者嗚呼此先生之所以念之而猶悲也太孺人之生明萬曆辛巳年六月二十二日而其卒也順治丙申年十月初十日享年七十有六嗣子偉業卽梅村先生也

送何蓉菴出守贛州 送何省齋 送舊總憲龔孝升以上林苑監出使山東 送程太史翼蒼謫姑蘇學博 送郭宮贊次菴謫官山西 送曹秋岳以少司農遷廣東左轄 送王藉茅學士按察浙江 送當湖馬覲揚備兵岢嵐 送王孝源備兵山西

十四年丁酉四十九歲

二月歸里 王隨菴自訂年譜十四年春吳梅翁以大司成告歸先生剡城曉發詩他鄉已過故鄉遠屈指歸期二月頭

州守三韓白公登明 潘劉家河先生為記按記集中有答撫臺開劉逸見縣志

河書 顧士璉 婁江志州守白公督工河上單騎巡行一日值天晚欲借宿民家思民間俗忌不利官府到家徘徊道傍而民亦閉戶不納適金粟菴僧來迎乃止於菴明日以白金一兩酬僧於是民皆願公來宿而公以布帳隨身竟露栖矣

張牧菴黃門五十壽序 聖恩寺藏經閣記

十五年戊戌五十歲

科場事發吳漢槎兆騫 孫赤崖賜 陸子元慶增 俱貧死戎邊有悲歌

贈吳季子贈陸生吾谷行 程穆衡 輦悅扈談同時如吳江吳漢槎

兆騫常熟孫赤崖賜長洲潘逸民隱如桐城方與三育盛皆有高才盛名同以科場事貧死戎邊子元以機雲家世與彝仲大樽為輩行軼軻三十年至垂老乃博一舉復遭誣以自首禦窮邊而死一妾挈幼子牽衣袂行路盡為流涕 汪琬 堯峯文鈔壬辰權貴

人與考官有隙謀因事中之於是科場之議起指摘進士首名程周量經義被黜科場之議日以益熾其端發於是科而其禍及於丁酉士大夫糜爛潰裂者殆不可勝計 蔣 夏 東華錄九年三首篇尤悖戾經註命革中式並治考官罪十四年十月同考官李振鄴張我樸舉人田耜鄔作霖科臣陸貽吉等俱立斬家產籍沒父母兄弟妻子流徙尙陽堡給事中任克溥劾其賄買中式訊實故也十五年二月以賄買情弊覆試丁酉科順天舉人朱漢雲等內蘇洪濬等入名文理不通革去舉人三月諭禮部丁酉科中式江南舉人物議沸騰是以親加覆試今取得吳鳴珂准同會試中式舉人一體覆試其汪溥勛等七十四名仍准作舉人史繼佚等十四名罰停會試二科方域等十四人文理不通着革去舉人十一月刑部審實江南鄉試作弊奉 旨主考方猶錢開宗正法同考官葉楚槐等卽處絞

壽房師李太虛先生 房師李太虛先生壽序 黃觀只五十壽

序 白封君六十壽序 贈奉直大夫戶部福建清吏司員外郎仲常費公墓誌銘 張母潘孺人暨金孺人墓誌銘 劉母耿淑人墓誌銘

十六年己亥五十一歲

六月鄭 成功 陷鎮江七月犯江甯復犯崇明
春游石公山 秋遊虞山

丁石萊七十壽序 少保大學士王文通公神道碑銘 太僕寺少卿席甯侯墓誌銘 謝天童孝廉墓誌銘

十七年庚子五十二歲

里居以奏銷事議處 時邑中如顧伊人瀾王惟夏吳黃庭表與堅同以奏銷註誤 堅瓠集江南

奏銷之獄起於巡撫朱國治欲陷考功員外郎顧予咸株連一省

人士無脫者 蘇州府志庚子十二月吳縣知縣任唯初 山西石樓人

貢泣任卽逼倉總吳行之私糶漕糧七百石焚賄虐刑口碑騰刺

十八年二月 章皇帝遺詔下府堂哭臨第三日生員倪用賓等

列款具呈巡撫朱國治發蘇松常道王紀卽提吳行之等嚴訊供

實覆院諸生發知府余廉徵羈候府治花亭唯初回縣次日生員
金人瑞丁瀾等哭府學文廟教授程邑申報六案朱始摘任印着
本府看守土地祠唯初逢人說朱撫院要我銀子故此糶糧朱遂
以諸生驚擾哭臨意在謀叛具疏銜在籍吏部考功員外郎顧子
咸株連之適差滿大臣至江甯審金壇叛招并訊題覆部議覆准
倪用賓沈珮顧偉業薛爾張姚剛丁瀾金人瑞王重儒八人典刑
家產入官妻孥流徙張韓來獻祺丁觀生朱時若朱章培周江徐
玠葉琪唐堯治馮邨十人本身典刑其顧子咸會議得疏中有諸
生送揭子咸擲地不觀之語所擬革職籍沒罪絞奉旨俱免唯初
復任後因白糧經費遲延部議降調國治復糾其貪勸實絞決於
省城未幾國治解任

八月至無錫訪同年吳永調 其馴 有有感賦贈詩

哭亡女 亡女權厝志 清涼山讚佛詩 七夕感事 七夕卽

事 送王子惟夏以牽染北行 冒辟疆五十壽序

十八年辛丑五十三歲

雲南平 康熙元年四月有滇池鏡吹

本生母朱太淑人卒 文學博歸道病歿於桃源縣

送張玉甲憲長之官印雅

康熙元年壬寅五十四歲

巡撫韓公 世琦 請撤蘇州駐防兵 按先生有大中丞心康韓公 蘇

州府志名宦韓世琦字心康本蒲州人明大學士熿曾孫世琦隸

旗籍為遼人康熙元年由順天巡撫移撫江南懲前政之弊加意

拊循日進士民詢以利弊次第舉行崇明瀕海居民遷內地者安

輯不令失業所棄界外田三千八百餘頃為奏免額賦萬九千餘

石折銀萬六千餘兩蘆課八千餘兩 國初年之江南吳中特駐

重兵以防寇盜北來軍士素驕橫為民患至是世琦奏言江南甯

謐力請調回及撤回之日慮其擾民與統兵者約令嚴加禁戢躬

率文武將吏往來巡視無一人敢干令者三年夏瀕海太倉等州

縣颶風大作漂沒民田廬舍萬計親往勘實奏蠲其稅七年吳中

大水餓殍載途世琦繪圖入告始得蠲賑嘗疏請減免蘇松浮糧

詳賦事雖不行民甚德之居八年以各屬通賦被議去

子暎生

字元明

號西齋 庚戌長進士由戶部主事遷兵科給事中

溪小

太倉州志吳駿公偉業連舉十三女而子暎始生時唐東

江孫華為名諸生年已及強立矣赴湯餅宴居上坐駿公戲曰是

子當與君為同年唐意佛後戊辰曠舉禮部唐果同榜

贈蘇郡副守涪陵陳三石

贈松郡司李內江王擔四 贈彭郡

丞益甫 敕贈大中大夫盧公神道碑銘

二年癸卯五十五歲

本生父約齋公卒

子暎生

字中麗 能

白澗沈公

受宏 受詩法於先生

見外高祖白 漢詩集自註

僉憲梁公西韓先生墓誌銘

三年甲辰五十六歲

子暎生

字少融 增監生 薦充

武英殿纂修 歷知壽光

張縣有政 攷先生三子俱側室朱安人出

顧西巘

侍御招集虎邱有夜游虎邱顧西巘侍御同沈友聖虎邱即

事西巘顧侍御招同沈山人友聖虎邱夜集作圖記事因賦長句諸

詩

香山白馬寺巨治禪師教公塔銘 顧母陳孺人八十壽序

四年乙巳五十七歲

錢臣辰五十壽序 監察御史王君慕吉墓誌銘

五年丙午五十八歲

魯謙菴使君以雲間山人陸天乙所畫虞山圖索歌成二十七韻

江西巡撫韓公奏議序 兵科給事中天恩謝公墓誌銘

六年丁未五十九歲

三月二十四日從山後過湖宿福源精舍 二十五日借穆苑先

孫浣心葉子聞允文游石公山盤龍石梁寂光歸雲諸勝 游石

公歸是夜驟雨明晨微霽同諸君天王寺看牡丹 沈文長雨過

福源寺

七年戊申六十歲

吳園次 以書招先生先生之吳興

上已過吳興家園次太守招飲郡圃之愛山臺座客十人同修禊

事余分韻得苦字 立夏日陪園次郡伯過孫山人太白亭落成
置酒分韻得人字 贈湖州守家園次五十韻 修孫山人墓記

雲 起記 湖州峴山九賢祠碑記 席處士允來墓誌銘 蔣
母陳安人墓誌銘 靈隱具德和尚塔銘

編詩文集四十卷成同里周子傲 肇 王維夏 吳許九日 旭 顧伊人 潤
校警什梓陳確菴 駙 爲之序

御製題吳梅村集梅村一卷足風流往復搜尋未肯休秋水精神香雪句
西崑幽思杜陵愁裁成蜀錦應慚麗細比春蠶好更抽寒夜短檠相對處
幾多詩與爲君收 欽定四庫全書總目提要梅村集四十卷 國朝吳

偉業撰偉業有綬冠紀畧已著錄此集凡詩十八卷詩餘二卷文
二十卷其少作大抵才華豔發吐納風流有藻思綺合清麗芊眠
之致及平遭逢喪亂閱歷興亡激楚蒼涼風骨彌爲道上暮年蕭
瑟論者以庾信方之其中歌行一體尤所擅長格律本乎四傑而
情韻爲深敘述類乎香山而風華爲勝韻協宮商感均頑豔一時
尤稱絕調其流播詞林仰邀 睿賞非偶然也至於以其餘技度

曲倚聲亦復接跡屯田嗣音淮海王士禎詩稱曰白髮填詞吳祭
酒亦非虛美惟古文每參以儷偶既異齊梁又非唐宋殊乖正格
黃宗羲嘗稱梅村集中張南垣柳敬亭二傳張言其藝而合於道
柳言其參甯南軍事比之魯仲連之排難解紛此等處皆失輕重
爲倒却文章家架子其糾彈頗當蓋詞人之作散文猶道學之作
韻語雖強爲學步本質終存焉然少陵詩冠千古而無韻之文率
不可讀人各有能有不能固不必一一求全矣 按先生詩有程穆
榮齋吳詩集覽二十卷吳
豈鳳吳詩箋注十八卷

八年已酉六十一歲
楚蘄盧 統 爲先生丙子典試所取士來爲蘇松常鎮參政及門諸子
屬序先生詩文集

沈 德 潛 書梅村集後蓬萊宮裏舊仙卿自別青山梅遠行擬作柵

陽離別賦江南愁殺庾蘭成 吳 祖 修 書梅村詩後夢回龍尾醒

猶殘重入春明興轉關宣去何能如老鐵放歸未許戴黃冠悲歌

自覺高官誤讀史應知名士難今日九泉逢故友西臺涕淚幾時

乾

附 婁東耆舊傳梅村公得瑯琊賁園稱華莊改構廓然堂甫竟而卒門人楚人盧絃來爲蘇松巡道升堂公母朱太淑人不時出盧詢之公對以後樓未建故去內舍甚遙盧卽建樓其後翼然與堂稱斯亦非近今人所能也 思義王書城 瑞國爲士驥 傳云性喜多費興作無虛日然考是園不爲侈廓然堂則其長子慶長瑞庭俗呼大癡者爲之慶長性似父而汰尤甚廓然既構矣不當意立命拽毀之再構又然至三始成有楊某者度其不能繼也乃竊量堂之規模構一樓於已宅覬王急則購以移焉閱二十餘年王果敗而楊亦破家是堂及園遂爲吳有然樓猶屬楊也又幾年梅村門生某 或云糧備 道盧絃 爲買之置堂後果稱無爽造物之幻如是今堂與樓皆爲瓦礫場矣

九年庚戌六十二歲

探梅鄧尉有梅信日雨過鄧尉哭剖石和尚遇大雪夜宿還元閣詩
京江送遠圖歌 龔芝麓詩序 吳郡唐君合葬墓誌銘 太學

張君季繁墓誌銘 封徵仕郎翰林院檢討端陽孫公暨鄒孺人合葬墓誌銘 錢母譚太君六十壽序
十年辛亥六十三歲

感舊贈蕭明府

十二月二十四日先生卒門人顧 瀕 謨行狀

先生元旦夢至一公府主者王侯冠服降階迎揖出片紙非世間文字不可識謂先生曰此位屬公矣十二月朔復夢數人來迎先生書期日示之 王 土 正 池北偶談吳駿公辛亥元旦夢上帝召爲泰山府君是歲病革有絕命詞云忍死偷生廿載餘而今罪孽怎消除受思欠債須填補縱比鴻毛也不如時浙西僧水月年百餘歲能前知先生病亟始拏舟迎之至則曰公元旦夢告之矣何必更問老僧遂卒

先生屬疾時作合書乃自敘事畧曰吾一生遭際萬事憂危無一刻不歷艱難無一境不嘗辛苦實爲天下大苦人吾死後歛以僧裝葬吾於鄧尉靈岩相近墓前立一圓石曰詩人吳梅村之墓

先生病中有感詞調寄賀萬事催華髮論龔生天年竟天高名難
 沒吾病難將醫藥治耿耿胸中熱血待灑向西風殘月剖却心肝
 今置地問華陀解我腸干結追往事倍淒咽 故人慷慨多奇節
 為當年沈吟不斷草間偷活艾炙眉頭瓜噴鼻今日須難訣絕早
 患苦重來千疊脫屣妻孥非易事竟一錢不值何須說人世事幾
 完缺 沈受宏白濃集哭梅村師茫茫滄海劫餘身遺恨心肝抱
 苦辛自迫三徵蒙 聖代未輕一死為衰親南朝宮闕悲瓊樹北
 極衣冠記紫宸留得茂陵未命在西山題墓作詩人四首
 五十二年癸巳葬蘇州郡治西南二十里西山之麓澤州陳廷敬撰墓
 表

蘇州府志 國朝祭酒吳偉業墓在靈巖山麓按墓在蘇州府吳

袁簡齋太史稱婁東詩人前有弇州後有梅村向見錢竹汀宮詹撰
 弇州山人年譜獨梅村先生年譜闕如不揣固陋謬為續貂之舉

讀先生詩輒取程迓亭斯介人吳枚菴諸箋註凡有年月可稽者一
 一割記釐次前後復於汎覽之下事涉先生編年比附自壬辰迄已

亥八閱寒暑橐凡十數易輯為年譜四卷中有家仁仲參訂處今已
 墓門宿草並為標明非敢比郭象注莊之例也所恨管窺蠡測掛漏
 尚多舛訛亦不免惟冀博雅君子匡以不逮幸甚道光庚子春二月
 願師軾識

是書刻以問世三十餘年矣庚申之亂板片盡毀近年覓得原本欲
 謀重刻適先生裔孫子掄茂才守元見之謀諸羣從力任剞劂爰共
 相商榷釐訂一二付梓光緒二年臘月師軾又識

梅村先生年譜卷四終

世行梅村先生集四十卷詩詞顧湄編盧紘序文集周瓚編陳瑚序即四庫著錄本也據陳序云刻始康熙戊申而盧序作於己酉先生尚及見之後來靳程吳諸家詩注與顧師軾所輯年譜皆據此集未觀他本庚戌歲康於都門得吳氏家藏稿十二冊都六十卷一至八為詩前集九至二十二為詩後集仍各自分體詩餘附焉二十三至五十九為文集而終以詩話一手彙錄甚清整中有朱

筆校注稱先大夫云云蓋先生卒後公子暲等所
附記也以刻本覈之此本多詩七十三首詩餘五
首文六十一首及末卷詩話其刻本有而稿本無
者詩文各八首或後來所刪案刻本文與目多不
相應亦有稿本中文
已見目錄而改刻他文者如四十卷復稿中溢出
社紀事易以祭仲伍胥尹氏諸論是也
諸篇率皆世所未見其他標題字句亦視刻本為
詳因通校一過以付槧工五十六卷以下篇葉寥
寥併作二卷舊刻所增詩文錄補於後而以年譜

附焉

顧氏譔年譜時儻見此稿尚可
加詳今先附槧以俟後人重輯

康維

國初

名集多出手訂獨漁洋有別本之編竹垞有外集
之刻先生遺著早登 冊府弁冕 本朝嚮謂已
無闕遺迺載三百故帙尚完家世舊藏源流可溯
所以亟亟斲琴者冀永先哲未傳之緒用慰來學
快覩之心斯固江左文獻所留貽有不容泯滅者
也宣統辛亥正月武進董康謹識
梅村詩文溢出於刻本外者附錄於後

五言古詩 前集

詠史 三至六
九 十二

七言古詩

贈范司馬質公偕錢職方大鶴 襄陽樂 高麗

行 三松老人歌 百花驄歌 勾章井

五言律詩

讀史雜感 十一至
十六

再簡子傲 素馨 感舊

贈歌者 覓

七言律詩

懷楊機部軍前 送黃石齋謫官 送左子直子

忠兄弟還桐城 聖駕闕城恭遇口占 登梁王

吹臺 過朱仙鎮謁武穆廟 送楊鳧岫 白門

遇北來友人 甲申十月南中作 有感 感楊

梅作 見人作布帽 見伐木者 庚寅元旦詠

筆 雜感 三 四 六至十五
十七 十九 二十

七言絕句

項王廟

五言古詩 後集

題江右非非子訪道遙子圖

七言古詩

木棉吟

五言律詩

茸城客樓大風曉寒吟眺以示友聖九日玉符諸子

七言律詩

海警 遣嫁 江城遠眺 贈遼左故人 三五

七言絕句

讀史偶述 七十四 十二 二十四 二十八 二十五 二十九 臨終詩

四首

詩餘

如夢令 減字木蘭花 詠 西江月 春 永遇樂

壽江林 沁園春 贈柳 有郡丞 敬亭

雜文

王室卿士論 宋魏兩彭城王論 郊廟考 復社紀事 清河家法述 遺安堂答客問 梁宮保壯猷紀 為柳敬亭陳乞引 為周弘叔勸引序

宋子建詩序 彭燕又偶存草序 宋直方林屋詩草序 宋轅生詩序 白林九古栢堂詩序 田鬪淵夢歸草堂詩序 吳六益詩序 徐季重

詩序 周子倣東岡稿序 徐澹生海月集序 許堯文詩小引 趙孟遷詩序 黃媛介詩序 陸子咏月詩題詞 梁水部玉劍尊聞序 楊氏遺宗錄序 編年考序 秣陵春序 兩郡名文序 二宋稿序 孫孝若稿序 德藻稿序 王茂京稿序 孫孝維贈言序 題龔芝麓壽序 趙母張太夫人六十序

記

海市記 崇明平洋沙築海堤記

墓誌銘

葉公瞻山偕配嚴孺人合葬墓誌銘 衡齋劉公

墓誌銘 處士近陽張公墓誌銘 宋幼清墓誌

銘 許節母翁太孺人墓誌銘

傳

吳淑人傳

祭文

祭李幼基文 祭錢大鶴文

書

上馬制府書 答黃總戎書 南中與志行書

制科

崇禎四年廷試策 崇禎九年湖廣鄉程錄

奏疏

劾元臣疏 辭職疏 請假省親疏 陞任請養

疏 自陳不職疏

第 35648 号

平成 3.11.22

聖和学 928

園短大 八

図書館 8

掲

辭薦掲

疏

與子暲等疏

詩話

梅村詩話

朱

秀



